



盛唐第六十一

唐詩紀一百二十一

鄆郡吳 瑄彙編

永嘉周才甫同校

李白 十三

七言古詩

侍從宜春苑奉詔賦龍池柳色初青聽新

鶯百轉歌

東風已綠瀛洲草紫殿紅樓覺春好池南柳色半  
青青縈煙裊娜拂綺城垂絲百尺挂雕楹上有好

鳥相和鳴間關早得春風情春風卷入碧雲去千  
門萬戶皆春聲是時君王在鎬京五雲垂暉耀紫  
清伏出金宮隨日轉天迴玉輦繞花行始向蓬萊  
看舞鶴還過萑若一作石聽新鶯新鶯飛繞上林苑  
願入簫韶雜鳳笙

烏夜啼

黃雲城邊烏欲棲歸飛啞啞枝上啼機中織錦秦

川女

一作閨中織婦秦家女

碧紗如煙隔窓語停梭悵然

一作

望

憶遠人獨宿孤房淚如雨

末二句一本作停梭向人問故夫知在關

西淚如雨又作獨宿空堂憶遠人知在流沙淚如雨

烏棲曲

姑蘇臺上烏棲時吳王宮裏醉西施吳歌楚舞歡

未畢青山欲

一作猶

銜半邊日銀箭金壺

一作金壺

漏

水多起看秋月墜江波東方漸高柰樂

一作爾

何事

云賀知章見之曰此詩可以泣鬼神矣

采蓮曲

若耶谿傍采蓮女笑隔荷花共人語日照新妝水

底明風飄香袖

一作袂

空中舉岸上誰家遊冶郎三

三五五映垂楊紫驕嘶入落花去見此踟躕空斷腸

鳳笙曲

仙人十五愛吹笙學得崑丘彩鳳鳴始聞鍊氣餐  
金液復道朝天赴玉京玉京迢迢幾千里鳳笙去  
去無窮已欲歎離聲發絳唇更嗟別調流纖指此  
時惜別詎堪聞此地相看未忍分重吟真曲和清  
吹却奏仙歌響綠雲綠雲紫氣向函關訪道應尋  
緱氏山莫學吹笙王子晉一遇浮丘斷不還

擣衣篇

閨裏佳人年十餘嘔蛾對影恨離居忽逢江上春  
歸燕銜得雲中尺素書玉手開緘長歎息狂夫猶  
成交河北萬里交河水北流願爲雙鳥一本作燕泛中

洲君邊雲擁青絲騎妾處苔生紅粉樓樓上春風  
日將歇誰能覽鏡看愁髮曉吹貞管隨落花夜擣  
戎衣向明月明月高高刻漏長真珠簾箔掩蘭堂  
橫垂寶幄同心結半拂瓊筵蘇合香瓊筵寶幄連  
枝錦燈燭熒熒照孤寢有使今本作便憑將金剪刀爲

君留下相思枕摘盡庭蘭不見君紅巾拭淚坐本今  
生作氤氲明年若更征邊塞願作陽臺一段雲

少年行

君不見淮南少年游俠客白日毬獵夜擁擲呼盧  
百萬終不惜報讐千里如咫尺少年游俠好經過  
渾身裝束皆綺羅蘭蕙相隨喧妓女風光去處滿  
笙歌驕矜自言不可有俠士堂中養來久好鞍好  
馬乞與人十千五千旋沽酒赤心用盡爲知己黃  
金不惜栽桃李桃李栽來幾度春一回花落一回

新府縣盡爲門下客王侯皆是平交人男兒百年  
且樂命何須狗書爲貧病男兒百年且榮身何須  
狗節甘風塵衣冠半是征戰士窮儒浪作林泉民  
遮莫枝根長百丈不如當代多還往遮莫姻親連  
帝城不如當身自簪纓看取富貴眼前者何用悠  
悠身後名蕭士贊云末章上一二句辭意迫切似非太白之作

江上吟

木蘭之枻沙棠舟玉簫金管坐兩頭美酒當一作樽  
中置千斛載妓隨波任去流今本仙人有待乘黃

鶴海客無心隨一作白鷗屈平詞賦懸日月楚王  
臺榭空山立與酣落筆搖五嶽詩成嘯傲凌滄洲  
功名富貴若長在漢水亦應西北流

荊州樂一作歌

白帝城邊足風波瞿塘五月誰敢過荊州麥熟繭  
成蛾繰絲憶君頭緒多撥穀飛鳴柰妾何

梁園吟

我浮一作乘黃河一作雲去京闕挂席欲進波連山天  
長水闊厭遠涉訪古始及平臺間平臺為客憂思

多對酒醉來遂作梁園歌却憶蓬池阮公詠因吟

淥水揚洪波洪波浩蕩迷舊國路遠西歸安可得

人生達命豈暇宋本作假愁且飲美酒登高樓平頭奴

子搖大扇五月不熱如一作疑清秋玉盤楊一作青梅

為君設吳鹽如花皎白一作如雪持鹽把酒但飲之

莫學夷齊事高潔一作作何用孤高比雲月昔人豪

貴信陵君今人耕種信陵墳荒城遠一作虛照碧山

月古木盡入蒼梧雲梁王宮闕一作賓客今安在枚馬

一作投刺先歸不相待舞影歌聲散綠池空餘汴水東

流海沈吟此事淚滿衣黃金買醉未能歸連呼一作

投五白行六博分曹賭酒酣一作馳輝歌且謠意

方遠東山高卧時一作還起來欲濟蒼生未應晚又作忽

### 懷仙歌

一鶴東飛過滄海放心散漫知何在仙人浩歌望

我來應攀玉樹長相待堯舜之事不足驚自餘囂

囂直可輕巨鼇莫戴一作三山去吾欲蓬萊頂上

行

### 山鷓鴣詞

苦竹嶺頭秋月輝苦竹南枝鷓鴣飛嫁得燕王胡

鴈婿欲銜我向鴈門歸山雞翟雉來相勸南禽多

被北禽欺紫塞嚴霜如劒戟蒼梧欲巢難背違我

今誓死不能去哀鳴驚叫淚沾衣

### 幽歌行上新平長史兄粲

幽谷稍稍振庭柯涇水浩浩揚湍波哀鴻酸嘶暮

聲急愁雲蒼慘寒氣多憶昨去家此為客荷花初

紅柳條碧中宵出飲三百杯明朝歸楫二千石寧

知流寓變光輝胡霜蕭蕭颯繞客衣寒灰寂寞憑誰

詩已

盛唐卷之六十一

煖落葉飄揚何處歸吾兄行樂窮曠旭滿堂有美  
顏如玉趙女長歌入彩雲燕姬醉舞嬌紅燭狐裘  
獸炭酌流霞壯士悲吟寧見嗟前榮後枯相翻覆  
何惜餘光及棣華

述德兼陳情上哥舒大夫

天今本為國家孕英才森森矛戟擁靈臺浩蕩深  
謀噴江海縱橫逸氣走風雷丈夫立身有如此一  
呼三軍皆披靡衛青謾作大將軍白起真成一賢  
子

上李邕

大鵬一日同風起搏一作搖直上九萬里假令風  
歇時下來猶能簸却滄溟水世一作人見我恒一作  
指殊調聞一作余大言皆冷笑宣父猶能畏後生  
丈夫未可輕年少

駕去溫泉宮後贈楊山人今本無

少年落魄楚漢間風塵蕭瑟多苦顏自言管葛竟  
誰許長吁莫錯還閉關一朝君王垂拂拭剖心輸  
丹雪胷臆忽蒙白日回景光直上青雲生羽翼幸

詩經 盧唐卷之六十一  
陪鸞輦出鴻都身騎飛龍天馬駒王公大人借顏  
色金璋紫綬來相趨當時結交何紛紛片言道合  
惟有君待吾盡節報明主然後相攜一作攜卧白  
雲

醉後贈從甥高鎮

馬上相逢揖馬鞭客中相見客中憐欲邀擊筑悲  
歌飲正值傾家無酒錢江東風光不借人枉殺落  
花空自春黃金逐手快意盡昨日破產今朝貧丈  
夫何事空嘯傲不如燒却頭上巾君爲進士不得

進我被秋霜生旅鬢時清不及英豪人三尺童兒  
重廉藺匣中盤劔裝鰓魚閑在腰間未用渠且將  
換酒與君醉醉歸託宿吳罇諸

走筆贈獨孤駙馬

都尉朝天躍馬歸香風吹人花亂飛銀鞍紫鞵照  
雲日左顧右眄生光輝是時僕在金門裏待詔公  
車謁天子長揖蒙垂國士恩壯心剖出酬知己一  
別蹉跎朝市間青雲之交不可攀儻其公子重回  
顧何必侯嬴長抱關

流夜郎贈辛判官

昔在長安醉花柳五侯七貴同杯酒氣岸遙凌豪  
士前風流肯落他一作人後夫子紅顏我少年章  
臺走馬着金鞭文章獻納麒麟殿歌舞淹留玳瑁  
筵與君自謂長如此寧知草動風塵起函谷忽驚  
胡馬來秦宮桃李向胡一作明開我愁遠謫夜郎去  
何日金雞放赦回

江上贈竇長史

漢求季布魯朱家楚逐伍胥去章華萬里南遷夜

郎國三年歸及長風沙聞道青雲貴公子錦帆遊

奕今本作戲西江水人疑天上坐樓船水淨霞明兩重

綺相約相期何太深棹歌搖艇月中尋不同珠履

三千客別欲論交一片心

贈漢陽輔錄事

鸚鵡洲橫漢陽渡水引寒煙沒江樹南浦登樓不  
見君君今罷官在何處漢口雙魚白錦鱗令傳尺

素報情人其中字數無一作何多少祗是相思秋復

春

詩紀  
贈潘侍御論錢少陽

繡衣柱史何昂藏鐵冠白筆橫秋霜三軍論事多  
引納堦前虎士羅千將雖無二十五老者且有一  
翁錢少陽眉如松雪齊四皓調笑可以安儲皇君  
能禮此最下士九州拭目瞻清光

對雪醉後贈王歷陽

有身莫犯飛龍鱗有手莫辦猛虎鬚君看昔日汝  
南市白頭仙人隱玉壺子猷聞風動惔竹相邀共  
醉杯中綠歷陽何異山陰時白雪飛花亂人目君

家有酒我何愁客多樂酣秉燭遊謝尚自能鸚鵡

舞相如免脫鸚鵡裘與罷今本作清晨鼓棹過江去他

日西看却月樓今本作千里相思明月樓

春日獨坐寄鄭明府

燕麥青青遊子悲河堤弱柳鬱金枝長條一拂春  
風去盡日飄揚無定時我在河南別離久那堪坐  
此對窓牖情人道來竟不來何人共醉新豐酒

早春寄王漢陽

聞道春還未相識走傍寒梅訪消息昨夜東風入

武陽一作昌陌頭楊柳黃金色碧水浩浩雲茫茫美人不來空斷腸預拂青山一片石與君連日醉壺觴

涇谿東亭寄鄭少府諤

我遊東亭不見君沙上行將白鷺羣白鷺行時散飛去又如雪點青山雲欲往涇谿不辭遠龍門蹙波虎眼轉杜鵑花開春已闌歸向陵陽釣魚晚

西嶽雲臺歌送丹丘子

西嶽崢嶸何壯哉黃河如絲天際來黃河萬里觸

山動盤渦轂

一作谷

轉秦地雷榮光休氣紛五彩千

年一清聖人在巨靈咆哮擘兩山洪波噴流

一作箭

射東海三峯却立如欲摧翠崖丹谷高掌開白帝

金精運元氣石作蓮花雲作臺雲臺閣道連窈冥

一作不到

中有不死丹丘生明星玉女備洒掃麻姑

搔背指爪輕我皇手把天地戶丹丘談天與天語

九重出入生光輝東求蓬萊復西歸玉漿儻惠故

人飲騎二茅龍上天飛

金陵歌送別范宣

詩已

石頭巉巖如虎踞凌波欲過滄江去鍾山龍盤走  
 勢來秀色橫分歷陽樹四十餘帝三百秋功名事  
 跡隨東流白馬小兒一作金鞍誰家子泰清之歲來關  
 囚一作吹脣虎嘯金陵昔時何壯哉席卷英豪天下  
 來冠蓋散為煙霧盡金輿玉座成寒灰扣劍悲吟  
 空咄嗟梁陳白骨亂如麻天子龍沈景陽井誰歌  
 玉樹後庭花此地傷心不能道日下離離長春草  
 送爾長江萬里心他年來訪南山老  
 峨眉山月歌送蜀僧晏入中京

我在巴東三峽一作月時西看明月憶峨眉月出峨  
 眉照滄海與人萬里長相隨黃鶴樓前月華白此  
 中忽見峨眉客峨眉山月還送君風吹西到長安  
 陌長安大道橫九天峨眉眉山月照秦川黃金獅子  
 承一作乘高座白玉麈尾談重玄我似浮雲滯吳越  
 君逢聖主遊丹闕一振高名滿帝都歸來一作時還  
 弄峨眉月

赤壁歌送別

二龍爭戰決雌雄赤壁樓船掃地空烈火張天照

雲海周瑜於此破曹公君去滄江望一作澄碧鯨

鯢唐突留餘跡一一書來報故人我欲因一作觀之

壯心魄

白雲歌送友人

楚山秦山多白雲白雲處處長隨君君今還入楚

山裏雲亦隨君渡湘水水上女蘿衣白雲早卧早

行君早起又白雲歌送劉十六歸山云楚山秦山皆白雲白雲處處長隨君君入楚山裏

雲亦隨君渡湘水湘水上女蘿衣白雲堪卧君早歸小有異同并附於此

送羽林陶將軍

西晉即日刻如月出

將軍出使擁樓船江上旌旗拂紫煙萬里橫戈探

虎穴三杯拔劍舞龍泉莫道詞人無膽氣臨行將

贈繞朝鞭

送程劉二侍御兼獨孤判官赴安西幕府

安西幕府多材雄喧喧唯道三數公繡衣貂裘明

積雪飛書走檄如飄風朝辭明主出紫宮銀鞍送

別金城空天外飛霜下葱海火旗雲馬生光彩胡

塞塵清計日歸漢家草綠遙相待

同王昌齡送族弟襄歸桂陽

爾家何在瀟湘川青莎白石長江邊昨夢江花照  
 江月一作國幾枝正發東總前覺來欲往心悠然竟  
 隨越鳥飛南天秦雲連山海相接桂水橫煙不可  
 涉送君此去令人愁風帆茫茫隔河洲春潭瓊草  
 綠可折西寄長安明月樓

送族弟綰一作瑄從軍安西

漢家兵馬乘北風鼓行而一作向西破犬戎爾隨漢  
 將出門去剪虜若草收奇功君王按劍望邊色一作  
 旄頭已落胡天空匈奴繫頸數應盡明年應一作

入蒲萄宮

送蕭三十一之魯中兼問稚子伯禽

六月南風吹白沙吳牛喘月氣成霞水國鬱一作  
 蒸不可處時炎道遠無行車夫子如何涉江路雲  
 帆嫋嫋金陵去高堂倚門望伯魚魯中正是趨庭  
 處我家寄在沙丘傍三年不歸空斷腸君行既識  
 伯禽子應駕小車騎白羊

與諸公送陳郎將歸衡陽并序

仲尼旅人文王明夷苟非其時聖賢低眉况僕

之不肖者而遷逐枯槁固非其宜朝心不開暮  
髮盡白而登高送遠使人增愁陳郎將義風凜  
然英思逸發來下曹城之榻去邀才子之詩動  
清興於中流泛素波而徑去諸公仰望不及連  
章祖之序慙起予一作以序屬予輒冠名賢之首作者  
嗤我乃為撫掌之資乎

衡山蒼蒼入紫冥下看南極老人星迴飈吹散五  
峯雪往往飛花落洞庭氣清目秀有如此郎將一  
家拖金紫門前食客亂浮雲世人皆比孟嘗君江

上送行無白壁臨岐惆悵若為分

### 金陵酒肆留別

白門

一作風吹

柳花滿店香吳姬壓酒喚

一作勸

客嘗金

陵子弟來相送欲行不行各盡觴請君問取

一作試問

東流水別意與之誰短長

### 南陵別兒童入京

一作古意

白酒新

一作初

熟山中歸黃雞啄黍秋正肥呼童烹

雞酌白酒兒女嬉笑牽人衣高歌取醉欲自慰起  
舞落日爭光輝游說萬乘苦不早着鞭跨馬涉遠

道會稽愚婦輕買臣余亦辭家西入秦仰天大笑  
出門去我輩豈是蓬蒿人

別山僧

何處名僧到水西乘舟一作杯弄月宿涇谿平明別

我上山去手携金策踏雲梯騰身轉覺三天近舉

足迴看萬嶺低謔浪肯居支遁下風流還與遠公

齊此度別離何日見相思一夜暝猿啼

謝宇文少府見贈桃竹書筒

桃竹書筒綺繡文良工巧妙稱絕羣靈心圓映三

江月彩質疊成五色雲中藏寶訣峨眉去千里提

携長憶君

醉後荅丁十八以詩譏余搥碎黃鶴樓

黃鶴高樓已搥碎黃鶴仙人無所依黃鶴上天訴

玉一作上帝却放黃鶴江南歸神明太守再雕飾新

圖粉壁還芳菲一州笑我為狂客少年往往來相

譏君平簾下誰家子云是遼東丁令威作詩調宋本

作掉我驚逸興白雲遶筆牕前飛待取明朝酒醒罷

與君爛熳尋春暉此詩楊用修詩話辨為宋初人作而樂史誤收之

把酒問月

故人賈淳  
今余問之

青天有月來幾時我本停杯一問之人攀明月不

可得月行却與人相隨皎如飛鏡臨丹闕綠煙滅

盡一作後清輝發但見宵從海上來寧知曉向雲間

沒白兔擣藥秋復春嫦娥孤棲與誰鄰今人不見

古時月今月曾經照古人古人今人若流水共看

明月皆如此唯一作所願當歌對酒時一作清酒月光長

照金樽裏

勞勞亭歌

金陵勞勞送客堂蔓草離離生道傍古情不盡東

流水此地悲風愁白楊我乘素舸同康樂朗詠清

川飛夜霜昔聞牛渚吟五章今來何謝袁家郎苦

竹寒聲動秋月獨宿空簾歸夢長

金陵城西樓月下吟

宋本無  
吟字

金陵夜寂一作靜涼風發獨上高一作西樓望吳越白

雲映水搖空城一作秋光白露垂一作如珠滴一作沾秋

月月下沈一作長吟久不歸古來一作今相接眼中稀

解道澄江淨如練令人長一作還憶謝玄暉

詩紀

盛唐卷之六十一

三

夜泊黃山聞殷十四吳吟

昨夜誰爲吳會吟風生萬壑振空林龍驚不敢水中卧猿嘯時聞巖下音我宿黃山碧谿月聽之却罷松間琴朝來果是滄洲逸酤酒醜盤飯霜栗半酣更發江海聲客愁頓向杯中失

當塗趙炎少府粉圖山水歌

峨眉高出西極天羅浮直與南溟連名公繹思揮彩筆驅山走海置眼前滿堂空翠如可掃赤城霞氣蒼梧煙洞庭瀟湘意渺縣三江七澤情迴沿驚

濤洶湧向何處孤舟一去迷歸年征帆不動亦不旋飄如隨風落天邊心搖目斷興難盡幾時可到三山巔西峯崢嶸噴流泉橫石蹙水波潺湲東崖合沓蔽輕霧深林雜樹空芊緜此中冥昧失晝夜隱几寂聽無鳴蟬長松之下列羽客對坐不語南昌僊南昌仙人趙夫子妙年歷落青雲士訟庭無事羅衆賓杳然如在丹青一作裏五色粉圖安足珍真僊宋本作山可以全吾身若待功成拂衣去武陵桃花笑殺人

觀元丹丘座巫山屏風

昔遊三峽見巫山見畫巫山宛相似疑是天邊十  
二峯飛入君家彩屏裏寒松蕭颯如有聲陽臺微  
茫如有情錦衾瑶席何寂寂楚王神女徒盈盈高  
咫尺如千里翠屏丹崖粲如綺蒼蒼遠樹圍荆  
門歷歷行舟泛巴水水石潺湲萬壑分煙光草色  
俱氛氲谿花笑日何年發江客聽猿幾歲聞使人  
對此心緬邈疑入嵩丘夢彩雲興

思邊

一作春怨

去年何時君別妾南園綠草飛蝴蝶今歲何時妾  
憶君西山白雪暗秦雲玉關去此三千里欲寄音  
書那得聞

怨情

新人如花雖可寵故人似玉由來重花性飄揚不  
自持玉心皎潔終不移故人昔新今尚故還見新  
人有故時請看陳后黃金屋寂寂珠簾生網絲

示金陵子

一作金陵子詞

金陵城東誰家子竊聽琴聲碧一作夜窓裏落

花一片天上來隨人直渡西江水楚歌吳語嬌不成似能未能最有情謝公正要東山妓攜手林泉處處行

盛唐第六十一

盛唐第六十二

唐詩紀一百二十三

鄆郡吳璿彙編

永嘉周才甫同校

李白十四

長短句

遠別離

遠別離古有皇英之二女乃在洞庭之南瀟湘之浦海水直下萬里深誰人不言此離苦日慘慘今雲冥冥猩猩啼煙兮鬼嘯雨我縱言之將何補皇

穹竊恐不照余之忠誠雷今本作雲馮馮兮欲吼怒堯

舜當之亦禪禹君失臣兮龍為魚權歸臣兮鼠變

虎或言堯幽囚舜野死九疑聯縣皆相似重瞳孤

墳竟誰一作何是帝子泣兮綠雲間隨風波兮去無

還慟哭兮遠望見蒼梧之深山蒼梧山崩湘水絕

竹上之淚乃可滅

### 公無渡河

黃河西來決崑崙咆哮一作吼萬里觸龍門波滔天

堯咨嗟大禹理百川兒啼不窺家殺湍湮洪水九

州始桑麻其害乃去茫然風沙被髮之叟狂而癡

清晨徑今本作臨流欲奚為旁人不惜妻止之公無渡

河苦渡之虎可搏河難馮公果溺死流海湄海湄

今本無海湄重字有長鯨白齒若雪山公平公平掛骨一作

於其間篋篋所悲竟不還

### 蜀道難

嚴武傳云武為劍南節度使房瑄以故相為

部內刺史武慢倨不為禮最厚杜甫然欲殺

甫數矣李白為蜀道難者乃為房杜危之也

○韋臯傳云天寶時李白為蜀道難斥嚴武

陸暢更為蜀道易以美韋臯○或曰太白蜀

詩記

玄宗幸蜀之非故作是詩以達意○余按太平廣記云太白初自蜀至京師賀知章聞其名訪之既奇其姿又請所為文白出蜀道難示之讀未竟稱歎數四號為謫仙人觀此蜀道難作于玄宗幸蜀之前亦非嚴武節度劍南之日撫言亦辨云太白自蜀至京以新業贊賀知章覽蜀道難一篇揚眉謂之曰公非人世入豈非太白星精邪則蜀道難之作久矣非為房杜也然史稱陸暢作蜀道易以美韋臯攷之當時去白未遠而業有斥武之說似又作于天寶之後豈知章稱歎者非此詩或廣記誤傳而撫言誤辨也觀其詩意則又近士贊之說矣

噫吁嚱危乎高哉蜀道之難難於上青天蠶叢及魚鳧開國何茫然爾來四萬八千歲不一作與秦

塞通人煙西當太白有鳥道可以橫絕峨眉巔地

崩山摧壯士死然後天梯石棧相一作鉤連上有

六龍回日之高標一作上有橫河下有衝波逆折

之迴川黃鶴之飛尚不得今本此下有過字猿猱

欲度愁攀緣一作青泥何盤盤百步九折縈巖巒

捫參歷井仰脅息以手撫膺一作坐長歎問君西

遊何時一作還畏途巉巖不可攀但見悲鳥號古

木雄飛雌從今本作從雌繞林間又聞子規啼夜

月一作愁空山蜀道之難難於上青天使人聽此

凋朱顏連峯去天不盈尺

一作連峯入煙幾千尺

枯松倒挂

倚絕壁飛湍瀑流爭喧豨

披冰切

厓轉石萬壑雷

其險也若此嗟爾遠道之人胡為乎來哉劒閣崢

嶸而崔巍一夫當關萬人

一作夫

莫開所守或匪親

一作人

化為狼與豺朝避猛虎夕避長蛇磨牙吮

祖

血殺人如麻錦城雖云樂不如早還家蜀道之

難難於上青天側身西望長咨

一作令人

嗟

梁父吟

長嘯梁父吟何時見陽春君不見朝歌屠叟辭棘

津八十西來釣渭濱寧羞白髮照綠

今本作清

水逢時

吐

宋本作壯

氣思經綸廣張三千六百鈞風期

宋本作雅暗

與文王親大賢虎變愚不測當年頗似尋常人又

一作君

不見高陽酒徒起草中長揖山東隆準公一

開游說

宋本一作今本

一作入門不拜

騁雄辨兩女輟洗來

趨風東下齊城七十二指揮楚漢如旋蓬狂客

一作

落魄尚如此何況壯士當羣雄我欲攀龍見明

主雷公砰訇

音烹轟

震天鼓帝傍投壺多玉女三時

大笑生

一作開

電光倏爍晦冥起風雨閭闔九門不

可通以額扣關闔者怒白日不照吾精誠祀國無  
事憂天傾狹狷音乙磨牙競人肉騶虞不折生草

莖手接飛猱搏彫虎側足焦原未言苦智者可卷  
愚者豪世人見我輕鴻毛力排南山三壯士齊相

殺之費用一作二桃吳楚弄兵無劇孟亞夫哈呼來切

爾為徒勞梁父吟梁父吟今本無聲正悲張公兩

龍劍神物合有時風雲感會起屠釣大人峴岬音

元當安之思密倫實集三千六百四十四風賦

戰城南戰城南

去年戰桑乾源今年戰葱河道洗兵條支海上波

放馬天山雪中草萬里長一作征戰三軍盡衰老

匈奴以殺戮為耕作古來唯見白骨黃沙田秦家

築城備胡處漢家還有烽火然烽火然不息長征

無已時野戰格鬪死敗馬嘶一作鳴向天悲烏鳶

啄人腸銜飛上挂枯樹一作枝士卒塗草莽將軍

空爾為乃知兵者是凶器聖人不得已而用之

將進酒將進酒

君不見黃河之水天上來奔流倒海不復回君不

詩經

見高堂明鏡悲白髮朝如青絲一作暮成如一作雪

人生得意須盡歡莫使金樽空對月天生我材必

有用一作天生我身必有材千一作黃金散盡還復

來烹羊宰牛且為樂會須一飲三百杯岑夫子丹

丘生將今本無進酒君莫停與君歌一曲請君為

我傾一作將耳聽鐘鼎玉帛豈足貴一作鐘鼓饌但

願長醉不用一作復醒古來賢聖皆寂寞一作死盡惟有

飲者留其名陳王昔時一作宴平樂斗酒十千恣

謹謔主人何為言少錢徑一作且須沽取對一作共君

酌五花馬千金裘呼兒將出換美酒與爾同銷萬  
古愁

行行且遊獵篇

邊城兒生年不讀一字書但將遊獵誇輕趨胡馬

秋肥宜白草騎來躡影何矜一作可憐驕金鞭拂雪揮

鳴鞘半酣呼鷹出遠郊弓彎一作彎滿月不虛發雙

鷗迸落連飛鶻音哮海邊觀者皆辟易猛氣英風振

沙磧儒生不及遊俠人白首垂一作下帷復何益

飛龍引二首

黃帝鑄鼎於荆山鍊丹砂丹砂成黃金騎龍飛上

太清家

宋本作飛去太上家

雲愁海思令人嗟宮中綵女顏

如花飄然揮手凌紫霞從風縱體登鸞車登鸞車

侍軒轅遨遊青天中其樂不可言

鼎湖流水清且閑軒轅去時有弓劍古人傳道留

其間後宮嬋娟多花

一作朱

顏乘鸞飛煙亦不還騎

龍攀天造天關造天關聞天語屯

今本作長

雲河車載

玉女載玉女過紫皇紫皇乃賜白兔所搗之藥方

後天而老凋三光下視瑤池見王母蛾眉蕭颯成

一作如秋霜

天馬歌

天馬來出月氏窟背為虎文龍翼骨嘶青雲振綠

髮蘭筋權竒走滅沒騰崑崙歷西極四足無一蹶

雞鳴刷燕晡秣越神行電邁躡恍惚天馬呼飛黃

一作龍

趨目明長庚臆雙鳧尾如流星首渴烏口噴

紅光汗溝珠曾陪時龍躍天衢羈金絡月照皇都

逸氣稜稜凌九區白壁如山誰敢沾回頭笑紫燕

但覺爾輩愚天馬奔戀君軒駮

音

躍驚矯浮雲翻

萬里足躑躅遙瞻閭闔門不逢寒風子誰采逸景  
孫白雲在青天丘陵遠崔嵬鹽車上峻坂倒行逆  
施畏日晚伯樂剪拂中道遺少盡其力老棄之願  
逢田子方惻然為我悲一作思雖有玉山禾不能療  
苦一作我饑嚴霜五月凋桂枝伏櫪銜冤摧兩眉請  
君贖獻穆天子猶堪弄影舞瑤池

行路難三首

金樽清酒斗十千玉盤珍羞直萬錢停杯投筯不  
能食拔劍四顧心茫然欲渡黃河水塞川將登太

行雪暗天一作燕閑來垂釣坐谿上忽復弄舟夢日  
邊行路難行路難多岐路今安在長風破浪會有  
時直挂雲帆濟滄海

大道如青天我獨不得出羞逐長安社中兒赤雞

白雉一作狗賭梨栗彈劍作歌奏苦聲曳裾王門不

稱情淮陰市井笑韓信漢朝公卿一作侯忌賈生君

不見昔時燕家重郭隗擁篲折節一作腰無嫌猜劇

辛樂毅感恩分輸肝剖膽効俊一作英才昭王白骨

縈蔓草誰人更掃黃金臺行路難歸去來

有耳莫洗頰川水有口莫食首陽蕨含光混世貴  
無名何用孤高比明一作雲月吾觀自古賢達人功

成不退皆殞身子胥既棄吳江上屈原終投湘水

濱陸機雄一作英才一作才多豈自保李斯稅駕苦不早

華亭唳鶴詎可聞上蔡蒼鷹何足道君不見吳中

張翰稱一作真達生秋風忽憶江東行且樂生前一

杯酒何須身後千載名此首一作古興

長相思三首

長相思在長安絡緯秋啼金井闌微一作凝霜淒淒

簾色寒孤燈不明一作眠思欲絕卷帷望月空長

歎美人如花隔雲端一作佳期迢迢上有青冥之高

天下有淶水之波瀾天長路遠竟飛苦夢行不到

關山難長相思摧心肝

日色已一作欲盡花含煙月明欲素愁不眠趙瑟初

停鳳凰柱蜀琴欲奏鴛鴦絃此曲有意無人傳願

隨春風寄燕然憶君迢迢隔青天昔時一作日橫波

目今為一作又作流淚泉不信妾腸斷歸來看取明

鏡前

美人在時花滿堂美人去後餘空牀牀中繡被卷  
 不寢一作更至今三載聞餘一作猶聞香香亦竟不滅  
 人亦竟不來相思黃葉落一作盡白露濕青苔

上畱田行

行至上畱田孤墳何崢嶸積此萬古恨春草不復  
 生悲風四邊來腸斷白楊聲借問誰家地埋沒蒿  
 里瑩古老向余言言是上畱田蓬科馬鬣今已平  
 昔之弟死兄不葬他人於此舉銘旌一鳥死百鳥  
 鳴一獸走百獸驚相一作常山之禽別離苦欲去迴

翔不能征田氏倉卒骨肉分青天白日摧紫荆交  
 柯之木本同形東枝顛顛西枝榮無心之物尚如  
 此參商胡乃尋天兵孤竹延陵讓國揚名高風緬  
 邈頽波激清尺布之謠塞耳不能聽

春日行

深宮高樓入紫清金作蛟龍盤繡一作繡楹佳人當  
 窓弄白日絃將手語彈鳴箏春風吹落君王耳此  
 曲乃是昇天行因出天池汎蓬瀛樓船蹙沓波浪  
 驚三千雙蛾獻歌笑搗鐘考鼓宮殿傾萬姓聚舞

歌太平我無爲人自寧三十六帝欲相迎仙人飄  
翩下雲輶帝不去畱鎬京安能爲軒轅獨往入窅  
冥小臣拜獻南山壽陛下萬古垂鴻名

前有一樽酒行二首

春風東來忽相過金樽綠酒生微波落花紛紛稍  
覺多美人欲醉朱顏酡青軒桃李能幾何流光欺  
人忽蹉跎君起舞日西

一作將

夕當年意氣不肯平

一作傾

白髮如絲竟何益

一作白首垂  
絲歎何益

琴奏龍門之綠桐玉壺美酒清若空催絃拂柱與

君飲眼白看杯顏色紅

一作看朱成  
碧顏始紅

胡姬貌如花

當壚笑春風笑春風舞羅衣君今不醉欲

一作將安

歸

夜坐吟

冬夜夜寒覺夜長沈吟久坐坐北堂冰合井泉月  
入閨金缸青凝照悲啼金缸滅啼轉多掩妾淚聽  
君歌歌有聲妾有情情聲合兩無違一語不入意  
從君萬曲梁塵飛

野田黃雀行

詩已

卷之三十一

十一

言終  
遊莫逐炎洲翠棲莫近吳宮燕吳宮火起焚爾一作

巢窠炎洲逐翠遭網羅蕭條兩翅蓬蒿下縱有鷹

鷗柰若一作何

箜篌謠

攀天莫登龍走山莫騎虎貴賤結交心不移唯有

嚴陵及光武周公稱大聖管蔡寧相容漢謠一斗

粟不與淮南春兄弟尚路人一作行路吾心安所從他

人方寸間山海幾千重輕言託朋友對面九疑峯

多一作開花必早落桃李不如松管鮑久已死何人

繼其蹤

雉朝飛操

麥隴青青二月時白雉朝飛挾兩雌錦衣綺翼何

離山宜犢牧采薪感之悲春天和白日煖啄食

飲泉勇氣滿爭雄鬪死繡頸斷雉子斑奏急管絃

傾心酒美盡玉碗枯楊枯楊爾生萋我獨七十而

孤棲彈絃寫恨意不盡瞑目歸黃泥

上雲樂

金天之西白日所沒康老胡雛生彼月窟巉巖容

儀戍削風骨碧玉炁炁音炯一作皎皎雙目瞳黃金拳拳

兩鬢一作鬢髮紅華蓋垂下睫嵩嶽臨上唇不覩詭譎

貌豈知造化神大道是文康之嚴父元氣乃文康

之老親撫頂弄盤古推車轉天輪云見日月初生

時鑄冶火精與水銀陽烏未出谷顧兔半藏身女

媧戲黃土團作愚下人散在六合間濛濛若沙塵

生死了不盡誰明此胡是仙真西海栽若木東溟

植扶桑別來幾多時枝葉萬里長中國有七聖半

路頽洪荒陛下應運起龍飛入咸陽赤眉立盆子

白水興漢光叱咤四海動洪濤為簸揚舉足蹋紫

微天關自開張老胡感至德東來進仙倡五色師

子九苞鳳凰是老胡雞犬鳴舞飛帝鄉淋漓颯沓

進退成行能胡歌獻漢酒跪雙膝並一作立兩肘散

花指天舉素手拜龍顏獻聖壽北斗戾南山摧天

子九九八十一萬歲長傾萬歲一作年杯

夷則格上白鳩拂舞辭

鏗鳴鐘考朗鼓歌白鳩引拂舞白鳩之白誰與鄰

霜衣雪襟誠可珍含哺七子能平均食不噎性安

可一作馴首農政鳴陽春天子刻玉杖鏤形賜耆人  
白鷺亦白非純真外潔其色心匪仁闕五德無司  
晨胡為啄我葭下之紫鱗鷹鷂鷓鴣貪而好殺鳳  
凰雖大聖不願以為臣

日出入行

日出東方隈似從地底來歷天又復入西海今本此句

作歷天又入海六龍所舍安在哉其始與終古不息一作其行

終古不人非元氣安得一作能與之乂徘徊草不謝

榮於春風木不怨落於秋天誰揮鞭策驅四運萬

物興歇皆自然義和義和汝奚汨沒於荒淫之波  
魯陽何德駐景揮戈逆道違天矯誣實多吾將囊  
括大塊浩然與溟滓音同科

胡無人

巖風吹霜海草凋筋斡精堅胡馬驕漢家戰士三

十萬將軍兼領一作誰者霍嫖姚流星白羽腰間插劍

花秋蓮光出匣天兵照雪下玉關虜箭如沙射金

甲雲龍風虎盡一作畫交迴太白入月敵可摧敵可

摧旄頭滅履胡之腸涉胡血懸胡青天上埋胡紫

言  
盛唐卷之六十三  
十四  
塞旁胡無人漢道昌陛下之壽三千霜但歌大風  
雲飛揚安用猛士今守四方

今本無以上三句  
云是後人偽增耳

### 北風行

燭龍棲寒門光曜猶旦開日月照之何不及此

一作

日月之暢  
不及此

唯有北風號怒天上來燕山雪花大如

席片片吹落軒轅臺幽州思婦十二月停歌罷笑  
雙蛾摧倚門望行人念君長城苦寒良可哀別時  
提劍救邊去遺此虎交金鞞鞞中有一雙白羽箭  
蜘蛛結網生塵埃箭空在人今戰死不復迴不忍

見此物焚之已成灰黃河捧土尚可塞北風雨雪  
恨難裁

盛唐第六十二

盛唐第六十三

唐詩紀一百二十三

鄆郡吳 瑄彙編

永嘉周才甫同校

李白 十五

長短句 二

獨漉篇

獨漉水中泥水濁不見月不見月尚可水深行人  
沒越鳥從南來胡鴈亦北度我欲彎弓向天射惜  
其中道失歸路落葉別樹飄零隨風客無所託悲

與此同羅幃舒卷似有人開明月直入無心可猜  
雄劍挂壁時時龍鳴不斷犀象繡宋本作羞澀苔生國  
恥未雪何由成名神鷹夢澤不顧鴟鳶爲君一擊

搏鵬

今本作搏九天

登高丘而望遠海

登高丘望遠海六鼇骨已霜三山流安在扶桑半  
摧折白日沈光彩銀臺金闕如夢中秦皇漢武空  
相待精衛費木石鼃鼃無所憑君不見驪山茂陵  
盡灰滅牧羊之子來攀登盜賊劫寶玉精靈竟何

能窮兵黷武今如此鼎湖飛龍安可乘

陽春歌

長安白日照春空綠楊結煙桑

今本作垂

裏風披香殿

前花始紅流芳發色繡戶中繡戶中相經過飛燕

皇后輕身舞紫宮夫人絕世

一作代

歌聖君三萬六

千日歲歲年年奈樂何

楊叛兒

君歌楊叛兒妾勸新豐酒何許最關人烏啼白門  
柳烏啼隱楊花君醉留妾家博山鑪中沈香火雙

詩已

盛唐卷之六

二

煙一氣凌紫霞

雙燕離

雙燕復雙燕雙飛令人羨  
玉樓珠閣不獨棲金牕  
繡戶長相見柏梁失火去  
因入吳王宮吳宮又焚蕩  
雛盡巢亦空憔悴一身在  
孀雌憶故雄雙飛難再得  
傷我寸心中

山人勸酒

蒼蒼雲松落落綺皓春風爾來為阿誰  
蝴蝶忽然滿芳草秀眉霜雪顏桃花  
宋本作桃花貌骨青髓綠宋本作青

髓綠髮

長美好稱是秦時避世人勸酒相歡不知老

各守麋

宋本作免

鹿志恥隨龍虎爭歛起佐太子漢皇

乃復驚顧謂戚夫人彼翁羽翼成歸來商山下泛

若雲無情舉觴酌巢由洗耳何獨

一作太

清浩歌望

嵩嶽意氣遙

一作還

相傾

于闐采花

于闐采花人自言花相似明妃一朝西入胡胡中

美女多羞死乃知漢地多名姝胡中無花可方比

丹青能令醜者妍無鹽翻在深宮裡自古妬蛾眉

詩記

感唐卷之六十三

三

胡沙埋皓齒

美之鞠歌行

玉不自言如桃李魚目笑之卞和恥楚國青蠅何

太多連城白壁遭讒毀荆山長號泣血人忠臣死

為刑足鬼聽曲知寧戚夷吾因小妻秦穆五羊皮

買死百里奚洗拂青雲上當時賤如泥朝歌鼓刀

叟虎變磻谿中一舉釣六合遂荒營丘東平生渭

水曲誰識一作數此老翁奈何今之人雙日送飛一作

征鴻

幽澗泉

拂彼白石彈吾素琴幽澗愀兮流泉深善手明徽

高張清心寂歷似千古松颼颼兮萬尋中見愁猿

弔影而危處兮叫秋木而長吟客有哀時失志一作

職而聽者淚淋浪以霑襟乃緝商綴羽潺湲成音

吾但寫聲發憤今本於妙指殊不知此曲之古今

幽澗泉鳴深林

王昭君

漢家秦地月流影送一作明妃一上玉關道天涯

去不歸漢月還從東海一作方出明妃西嫁無來日  
燕支長寒雪作花蛾眉憔悴沒胡沙生乏黃金枉  
圖畫死留青塚使人嗟

中山孺子妾歌

中山孺子妾特以色見珍雖然宋本無然字不如延年

妹亦是當時絕世人桃李出深井花豔驚上春一

貴復一賤關天豈由身芙蓉老秋霜團扇羞網塵

戚姬髡剪今本作髮入春市萬古共悲辛

設辟邪佞鼓吹雉子斑曲辭

辟邪伎作鼓吹驚雉子斑之奏曲成喔咿振迅欲  
飛鳴扇錦翼雄風生雙雌同飲啄丘妖切悍誰能  
爭乍向草中耿介死不求黃金籠下生天地至廣  
大何惜遂物情善卷讓天子務光亦逃名所貴曠  
士懷朗然合太清

古有所思行

我思仙一作佳人乃在碧海之東隅海寒多天風白

波連山一作天倒蓬壺長鯨噴湧不可涉撫心茫茫

淚如珠西來青鳥東飛去願寄一書謝麻姑

久別離

別來幾春未還家玉牕五見櫻桃花况有錦字書

開緘使人嗟

今本此上有至字

此腸斷彼心絕雲鬟霧

一作

綠鬢罷攬

今本作梳

結愁如迴颺亂白雪去年寄書報

陽臺今年寄書重相催東風兮東風

以上五字宋本作胡為東

風四字

為我吹行雲使西來待來竟不來落花寂寂

一作

委青苔

白頭吟

錦水東北流波蕩雙鴛鴦雄巢漢宮樹雌弄秦草

芳寧同萬死碎綺翼不分

今本作忍

雲間兩分張此時

阿嬌正嬌妬獨坐長門愁日暮但願君恩顧妾深

豈惜黃金買詞賦相如作賦得黃金丈夫好新多

異心一朝將聘茂陵女文君因贈

一作賦

白頭吟東

流不作西歸水落花辭條羞故林兔絲本

一作固

無

情隨風任傾倒誰使女蘿枝而來強縈抱兩草猶

一心人心不如草草捲龍鬚席從他生網絲且畱

琥珀枕或

一作會

有夢來時覆水再收豈滿杯棄妾

已去難重回古來

宋本作時

得意不相負祗今唯見青

陵臺

一作錦水東流碧波蕩雙鴛鴦雄巢漢宮樹

雌弄秦草芳相如去蜀謁武帝赤車驅馬生輝光一朝再覽大人作萬乘忽欲凌雲翔聞道阿嬌失恩寵千金買賦要君王相如不憶貧賤日官高金多聘私室茂陵妹子皆見求文君歡愛從此畢淚如雙泉水行墮紫羅襟五起雞三唱清晨白頭吟長吁不整綠雲鬢仰訴青天哀怨深城崩杞梁妻誰道土無心東流不作西歸水落花辭條羞故林頭上玉燕釵是妾嫁時物贈君表相思羅袖幸時拂莫卷龍鬚席從他生網絲且畱琥珀枕還有夢來時鷓鴣棗在錦屏上自君一挂無由披妾覆水却收不滿杯相如還謝文君迴古來得意不相負祗今唯有青陵臺

臨江王節士歌

洞庭白波木葉稀燕鴻始入吳雲飛吳雲寒燕鴻

苦風號沙宿瀟湘浦節士感今本悲秋淚如雨白日當天心照之可以事明主壯氣今本憤寒風生安得倚天劍跨海斬長鯨

司馬將軍歌

狂風吹古月竊弄章華臺北落明星動光彩南征猛將如雲雷一作南方有事將軍來手中電曳今本作擊倚天劍

直斬長鯨海水開我見樓船壯心目頗似龍驤下三蜀揚兵習戰張虎旗江中白浪如銀屋身居玉帳臨河魁紫髯若戟冠崔嵬細柳開營揖天子始

知灞上為嬰孩羌笛橫吹阿鞞迴番曲名向月樓中

吹落梅將軍自起舞長劍壯士呼聲動九垓功成

獻凱見明王丹青畫像麒麟臺公自賦以贊其

蓋君道曲梁之雅歌有五篇今作一章

大君若天覆廣運無不至軒后爪牙常先太山稽

如心之使臂小白鴻翼於夷吾劉葛魚水本無二

土扶一作校可成墻積德為厚地

白紵辭三首

揚清歌一作音發皓齒北方佳人東鄰子且吟白紵

停綠水長袖拂面為君起寒雲夜捲霜海空胡風

吹天飄塞鴻玉顏滿堂樂一作曲未終館娃日落歌

吹濛一本無未

月寒天清夜沈沈美人一笑千黃金垂羅舞縠揚

哀音郢中白雪且莫吟子夜吳歌動君心動君心

冀君賞願作天池雙鴛鴦一朝飛去青雲上

吳刀剪綵一作綺縫舞衣明妝麗服奪春暉揚眉轉

袖若雪飛傾城獨立世所稀激楚結風醉忘歸高

堂月落燭已微玉釵挂纓君莫違

鳴鴈行

胡鴈鳴辭燕山昨發委羽朝度關一一銜蘆枝南  
飛散落天地間連行接翼往復還客居煙波寄湘  
吳凌霜觸雪毛體枯畏逢矰繳驚相呼聞弦虛墜  
良可吁君更彈射何為乎

君馬黃

君馬黃我馬白馬色雖不同人心本無隔其作遊  
冶盤雙行洛陽陌長劍既照耀高冠何赭迄力赫切  
各有千金裘俱為五侯客猛虎落陷穽壯士時屈

厄相知在急難獨好亦何益

白鼻騮

銀鞍白鼻騮綠地障泥錦細雨春風花落時一作春風

細雨落花時揮鞭直且一作且就胡姬飲

猛虎行蕭士贊辨非太白作

朝作猛虎行暮作猛虎吟腸斷非關隴頭水淚下

不為雍門琴旂旌今本作旌旗繽紛兩河道戰鼓驚山

欲傾倒秦人半作燕地囚胡馬翻銜洛陽草一輪

一失關下兵朝降夕叛幽薊城巨鼇未斬海水動

魚龍奔走安得寧頗似楚漢時翻覆無定止朝過博浪沙暮入一作宿淮陰市張良未遇韓信貧劉項

存亡在兩臣蹇到下邳受兵畧來投漂母作主人

賢哲一作達栖栖古如此今時亦棄青雲士有策不

敢犯龍鱗竄身南國避胡塵寶書玉一作長劍束一作

挂高閣金鞍駿馬散故人昨日方為宣城客掣鈴

交通二千石有時六博快壯心遶林三匝呼一擲

楚人每道張旭竒心藏風雲世莫知三吳邦伯多

一作皆顧眄四海豪俠皆相推一作兩邊蕭曹曾一作

亦作沛中吏攀龍附鳳當有時溧陽酒樓三月春

楊花茫茫一作漠漠愁殺人胡雛綠眼吹玉笛吳歌白

紵飛梁塵丈夫相見一作到處且為樂椎牛搗鼓會眾

賓我從此去釣東一作滄海得魚笑寄情相親

菩薩蠻

平林漠漠煙如織寒山一帶傷心碧暝色入高樓

有人樓上愁玉階一作闌干空佇立宿鳥歸飛急何處

是歸程長亭連一作更短亭

憶秦娥

簫聲咽秦娥夢斷秦樓月秦樓月年年柳色灞陵  
傷別樂遊原上清秋節咸陽古道音塵絕音塵絕  
西風殘照漢家陵闕

玉壺吟

烈士擊玉壺壯心惜暮年三杯拂劍舞秋月忽然  
高詠涕泗漣鳳凰初下紫泥詔謁帝稱觴登御筵  
揄揚九重萬乘主謔浪赤墀青瑣賢朝天數換飛  
龍馬敕賜珊瑚白玉鞭世人不識東方朔大隱金  
門是謫仙西施宜笑復宜嘖醜女效之徒累身君

王雖愛蛾眉好無奈宮中妬殺人

橫江詞

人言橫江好儂道橫江惡一風三日吹倒山一作  
猛風

吹倒天  
門山

白浪高於瓦官閣

襄陽歌

落日欲沒峴山西倒着接離一作行  
客醉歸花下迷襄陽

小兒齊拍手攔街爭唱白銅鞮傷人借問笑何事

笑殺山翁一作  
公醉似泥鷓鴣杓鸚鵡杯百年三萬

六千日一日須傾三百杯遙看漢水鴨頭綠恰似

蒲萄初醖一作醅此江若變作春酒壘麴便築糟

丘臺千金駿馬換少一作妾醉一作坐雕一作鞍

歌落梅車傍側挂一壺酒鳳笙龍管行相催咸陽

市上歎黃犬何如月下傾金罍君不見晉朝羊公

一片石龜頭一作剝落生莓苔淚亦不能為之墮

心亦不能為之哀誰能憂彼身後事金鳧銀鴨葬

死灰今本無此二句云是偽增清風朗一作月不用一錢買玉

山自倒非人推舒州杓力士鎗一作黃金一作李白一作

與爾同死生襄王雲雨今安在江水東流猿夜

聲

東山吟一題作醉過謝安東山

携妓東山去悵然悲謝安我妓今朝如花月他妓

古墳荒草寒白雞夢後三百歲灑酒澆君同所歡

酣來自作青海舞秋風吹落紫綺冠彼亦一時此

亦一時浩浩洪流之一作詠何必奇

江夏行

憶昔嬌小姿春心亦自持為言嫁夫壻得免長相

思誰知嫁商賈令人却愁苦自從為夫妻何曾在

詩已

言終  
盛唐卷之六十三  
三  
鄉土去年下揚州相送黃鶴樓眼看帆去遠心逐  
江水流只言期一載誰謂歷三秋使妾腸欲斷恨  
君情悠悠東家西舍同時發北去南來不逾月未  
知行李遊何方作箇音書能斷絕適來往南浦欲  
問西江船正見當壚女紅妝二八年一種爲人妻  
獨自多悲悽對鏡便垂淚逢人只欲啼不如輕薄  
兒旦暮長追一作相隨悔作商人婦青春長別離如  
今正好同歡樂君去容華誰得知

臨路歌

大鵬飛兮振八裔中天摧兮力不濟餘風激兮萬  
世遊扶桑兮挂石袂後人得之傳此仲尼亡兮誰  
爲出涕

元丹丘歌

元丹丘好一作愛神仙朝飲潁水一作川之清流暮還  
嵩岑之紫煙三十六峯長周旋長周旋躡星虹身  
騎飛龍耳生風橫河跨海與天通我心爾遊心無  
窮

扶風豪士歌

洛陽三月飛胡沙洛陽城中人怨嗟天津流水波  
赤血白骨相撐如亂麻我亦東奔向吳國一作來奔漂谿  
上浮雲四塞道路賒東方日出啼早鷄城門人開  
掃落花梧桐楊柳拂金井來醉扶風豪士家扶風  
豪士天下奇意氣相傾山可移作人不倚將軍勢  
飲酒豈顧尚書期雕盤綺食會衆客吳歌趙舞香  
風吹原嘗春陵六國時開心寫意君所知堂中各  
有三千士明日報恩知是誰撫一作舞下長劍一  
揚眉清水白日何離離脫吾帽向君笑飲君酒爲

君吟張良未遂赤松去橋邊黃石知我心

### 白毫子歌

淮南小山白毫子乃在淮南小山裏夜卧松下雪

一作雲朝餐石中髓小山聯緜向江開碧峯巉巖綠

水迴一作水余配白毫子獨酌流霞杯拂花弄琴

坐青苔綠蘿樹下春風來南牕蕭颯松聲起憑崖

一聽清心耳可得見不一作未得親八公攜手五雲

去空餘桂樹愁殺人

### 僧伽歌

紀聞錄僧伽大師西域人姓何氏唐龍朔初  
來隸名于楚州龍興寺後于泗州臨淮縣信  
義坊乞地施標將建伽藍於標下掘得古香  
積詩銘記并金像一軀上有普照王佛字遂  
建寺中宗聞名遣使迎師入內道場居薦福  
寺常獨處一室頂上有一穴以絮塞之夜則  
去絮香從頂穴中出非常芬馥及燒香還頂  
中又以絮塞之師嘗濯足人取其水飲之痼  
疾皆愈景龍四年端坐而終中宗令于寺起  
塔俄而大風歛起臭氣滿長安中宗問近臣  
近臣奏僧伽大師化緣在臨淮恐欲歸中宗  
心許其臭頓息奇香馥烈五月送至臨淮起  
塔供養卽今塔也中宗問萬迴  
曰僧伽是何人曰觀音化身

真僧法號號僧伽有時與我論三車問言誦呪幾  
千遍口道恒河沙復沙此僧本住南天竺爲法頭

陀來此國戒得長天秋月明心如世上青蓮色意

清淨貌稜稜亦不減亦不增瓶裏千年舍利一作鐵柱

骨手中萬歲胡孫藤嗟予落魄江淮一作湖久罕遇

真僧說空有一言懺盡波羅夷再禮渾除犯輕垢

草書歌行

此篇蘇子瞻辨非太白詩

少年上人號懷素草書天下稱獨步墨池飛出北

溟魚筆鋒殺盡中山兔八月九月天氣涼酒徒詞

客滿高堂牋麻素絹排數箱宣州石硯墨色光吾

師醉後倚繩牀須臾掃盡數千張飄風驟雨驚颯

詩記

盛唐卷之六十三

七

言  
風落花飛雪何茫茫起來向壁不停手一行數字  
大如斗悅悅如聞神鬼驚時時只見龍蛇走左盤  
右蹙如驚電狀同楚漢相攻戰湖南七郡凡幾家  
家家屏障書題徧王逸少張伯英古來幾許浪得  
名張顛老死不足數我師此義不師古古來萬事  
貴天生何必要公孫大娘渾脫舞

盛唐第六十三

盛唐第六十四

唐詩紀一百二十四

鄆郡吳 瑄彙編

永嘉周才甫同校

李白 十六

長短句 三

繫潯陽上崔相渙

虛傳一片雨枉作陽臺神縱爲夢裏相隨去不是  
襄王傾國人

萬憤詞投魏郎中

言  
海  
水  
渤  
涌  
人  
罹  
鯨  
鯢  
翦  
胡  
沙  
而  
四  
塞  
始  
滔  
天  
於  
燕  
齊  
何  
六  
龍  
之  
浩  
蕩  
遷  
白  
日  
於  
秦  
西  
九  
土  
星  
分  
磬  
音  
教  
磬  
栖  
栖  
南  
冠  
君  
子  
呼  
天  
而  
啼  
戀  
高  
堂  
而  
掩  
泣  
淚  
血  
地  
而  
成  
泥  
獄  
戶  
春  
而  
不  
草  
獨  
幽  
怨  
而  
沈  
迷  
兄  
九  
江  
今  
第  
三  
峽  
悲  
羽  
化  
之  
難  
齊  
穆  
陵  
關  
北  
愁  
愛  
子  
豫  
章  
天  
南  
隔  
老  
妻  
一  
門  
骨  
肉  
散  
百  
草  
遇  
難  
不  
復  
相  
提  
携  
樹  
榛  
拔  
桂  
囚  
鸞  
寵  
雞  
舜  
昔  
授  
禹  
伯  
成  
耕  
犁  
德  
自  
此  
衰  
吾  
將  
安  
棲  
好  
我  
者  
恤  
我  
不  
好  
我  
者  
何  
忍  
臨  
危  
而  
相  
擠  
子  
胥  
鴟  
夷  
彭  
越  
醢  
醢  
自  
古  
豪  
烈  
胡  
爲  
此  
繫  
蒼

蒼之天高乎視低如其聽卑脫我牢狴儻辨美玉  
君收白珪

雪讒詩贈友人

嗟予沈迷猖獗已久五十知非古人常有立言補  
過庶存不朽包荒匿瑕蓄此頑醜月出致譏貽愧  
皓首感悟遂晚事往日遷白璧何辜青蠅屢前羣  
輕折軸下沈黃泉衆毛飛骨上凌青天萋菲暗成  
貝錦粲然泥沙聚埃珠玉不鮮洪燄爍山發自纖  
煙蒼波蕩日起乎微涓交亂四國播于八埏拾塵

詩經 卷之六  
撥蜂疑聖猜賢哀哉悲夫誰察予之貞堅彼婦人  
之猖狂不如鵲之疆疆彼婦人之淫昏不如鶉之  
奔奔皎皎一作坦蕩君子無悅簧言擢髮贖罪罪乃孔  
多傾海流惡惡無以過人生實難逢此織羅積毀  
銷金沈憂作歌天未喪文其如余何妲已滅紂褒  
女惑周天維蕩覆職此之由漢祖呂氏食其在傍  
秦皇太后毒亦淫荒踳竦作昏遂掩太陽萬乘尚  
爾匹夫何傷辭殫意窮心切理直如或妄談昊天  
是殛子野善聽離婁至明神靡遁響鬼無逃形不

我遐棄庶昭忠誠

江夏贈韋南陵冰

胡驕馬驚沙塵起胡雛飲馬天津水君爲張掖近  
酒泉我竄三巴九千里天地再新法令寬夜郎遷  
客帶霜寒西憶故人不可見東風吹夢到長安寧  
期此地忽相遇驚喜茫如墮煙霧玉簫金管喧四  
筵苦心不得申長一作句昨日繡衣傾綠樽病如  
桃李竟何言昔騎天子大宛馬今乘欵段諸侯門  
賴遇南平豁方寸復兼夫子持清論有似山開萬

詩經 盛唐卷之六十四  
里雲四望青天解人悶人悶還心悶苦辛長苦辛  
愁來飲酒二千石寒灰重煖生陽春山公醉後能  
騎馬別是風流賢主人頭陀雲月多僧氣山水何  
曾稱人意不然一作能鳴笳按鼓戲滄流呼取江南  
女兒歌棹謳我且爲君搥碎黃鶴樓君亦爲吾倒  
却鸚鵡洲赤壁爭雄如夢裏且須歌舞寬離憂

贈從弟南平太守之遙

少年不作今本作得意落魄無安居願隨任公子欲釣  
吞舟魚常時飲酒逐風景壯心遂與功名疎蘭生

谷底人不鋤雲在高山空卷舒漢家天子馳駟馬  
赤車蜀道迎相如天門九重謁聖人龍顏一解四  
海春彤庭左右呼萬歲拜賀明主收沈淪翰林秉  
筆迴英眄麟閣崢嶸誰可見承恩初入銀臺門一作

侍從甘泉宮

著書獨在金鑾殿龍駒雕鏤白玉鞍象牀

綺食

今本作席

黃金盤當時笑我微賤者却來請謁爲

交歡一朝謝病遊江海疇昔相知幾人在前門長  
揖後門關今日結交明日改愛君山嶽心不移隨  
君雲霧迷所爲夢得池塘生春草使我長價登樓

詩別後遙傳臨海作可見羊何共和之

贈裴十四

朝見裴叔則朗如行玉山黃河落天走東海萬里  
寫入胸懷間身騎白黿不敢度金高南山買君顧  
徘徊六合無相知飄若浮雲且西去

寄王屋山人孟大融

我昔東海上勞山餐紫霞親見安期公食爽大如  
瓜中年謁漢主不愜還歸家朱顏謝春暉白髮見  
生涯所期就金液飛步登雲車願隨夫子天壇上

閑與仙人掃落花

憶舊遊寄譙郡元參軍

憶昔洛陽董糟丘為予天津橋南造酒樓黃金白  
壁買歌笑一醉累月輕王侯海內賢豪青雲客就  
中與君一作與君一見心莫逆迴山轉海不作難傾情倒

意無所惜我向淮南攀桂枝君留洛北愁夢思不  
忍別還相隨相隨迢迢訪仙城三十六曲水迴縈  
一谿初入千花明萬壑度盡松風聲銀鞍金絡倒  
平地漢東太守來相迎紫陽之真人邀我吹玉笙

餐霞樓上動仙樂嘈然宛似鸞鳳鳴袖長管催欲  
輕舉漢中一作東太守醉起一作酣歌舞手持錦袍覆我

身我醉橫眠枕其股當筵意氣凌九霄星離雨散  
不終朝分飛楚關山水遙予既還山尋故巢君亦

歸家一作西歸渡渭橋君家嚴君勇貔虎作尹并州遏  
戎虜五月相呼度太行摧輪不道羊腸苦行來北

涼歲月深感君貴義輕黃金瓊杯綺食青玉案使  
我醉飽無歸心時時出向城西曲晉祠流水如碧

玉浮舟弄水簫鼓鳴微波龍鱗莎草綠興來攜妓

恣經過其若楊花似雪何紅一作鮮妝欲醉宜斜日

一作如百尺清潭寫翠娥翠娥嬋娟初月輝美人  
更唱舞羅衣清風吹歌入空去歌曲自縉行雲飛

此時歡一作行樂難再遇西遊因獻長揚賦北闕青  
雲不可期東山白首還歸去渭橋南頭一遇君鄴

臺之北又離羣問余別恨今一作和多少落花春暮  
爭紛紛一作鸞飛求友滿芳言亦不可盡情亦不

可極呼兒長跪一作踞緘此辭寄君千里遙相憶  
寄韋南陵冰余江上乘興訪之遇尋顏尚

書笑有此贈

南船正東風北船來自緩江上相逢借問君語笑

一作聲未了風吹斷聞君攜妓訪情人應為尚書不

顧身堂上三千珠履客甕中百斛金陵春恨我阻

此樂淹留楚一作此江濱月色醉遠客山花開欲然

春風狂殺人一日劇三年乘興嫌太遲焚却子猷

船夢見五柳枝已堪挂馬鞭何日到彭澤長歌陶

令前

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴

樓五嶽尋仙不辭遠一生好入名山遊廬山秀出

南斗傍屏風九疊雲錦張影落明湖青黛光金闕

前開二峯長銀河倒挂一作瀉三石梁香爐瀑布遙

相望迴崖沓嶂凌一作何蒼蒼翠影紅霞映朝日一作

照千鳥飛不到吳天長登高壯觀天地間大江茫

茫去不還黃雲萬里動風色白波九道流雪山好

為廬山謠興因廬山發閑窺石鏡清我心謝公行

處蒼苔沒一作綠蘿開早服還丹無世情琴心三

詩紀  
盛唐卷之六十四  
疊道初成遙見仙人綵雲裏手把芙蓉朝玉京先  
期汗漫九垓上願接盧敖遊太清

自漢陽病酒歸寄王明府

去歲左遷夜郎道琉璃硯水長枯槁今歲赦放巫  
山陽蛟龍筆翰生輝光聖主還聽子虛賦相如却  
欲一作與論文章願掃鸚鵡洲與君醉百場嘯起白  
雲飛七澤歌吟淥水動三湘莫惜連船沽美酒千  
金一擲買春芳

雜言用投丹陽知己兼奉宣慰判官

客從崑崙來遺我雙玉璞云是古之得道者西王  
母食之餘食之可以凌太虛受之頗謂絕今昔求  
識江淮人猶乎比石如今雖在卞和手  
正憔悴了了知之亦何益恭聞士有調相如始從鎬京  
還復欲鎬京去能上秦王殿何時迴光一相眄欲  
投君保君年幸君持取無棄捐無棄捐服之與君  
俱神仙

和盧侍御通塘曲

君誇通塘好通塘勝耶谿通塘在何處宛一作遠在

尋陽西青蘿嫋嫋拂煙樹白鷗處處聚沙堤石門  
中斷平湖出百丈金潭照雲日何處滄浪垂釣翁  
鼓棹漁歌趣非一相逢不相識出沒繞通塘浦邊  
清水明素足別有浣沙吳女郎行盡綠潭潭轉幽  
疑是武陵春碧流秦人雞犬桃花裏將比通塘渠  
見羞通塘不忍別十去九遲回偶逢佳境心已醉  
忽有一鳥從天來月出青山送行子四邊苦竹秋  
聲起長吟白雪望星河雙垂兩足揚素波梁鴻德  
耀會稽日寧知此中樂事多

訓殷明佐

一作佐明

見贈五雲裘歌

我吟謝朓詩上語朔風颯颯吹飛雨謝朓已沒青  
山空後來繼之有殷公粉圖珍裘五雲色曄如晴  
天散彩虹文章彪炳光陸離應是素娥玉女之所  
爲輕如松花落金粉濃似苔錦含碧滋遠山積翠  
橫海島殘霞飛丹映江草凝毫采掇花霧一作露容  
幾年功成奪天造故人贈我我不違著令山水含

清輝

一作晴暉

頓驚謝康樂詩興生我衣襟前林壑斂

暝色袖上煙

一作雲

霞收夕霏羣仙長歎驚此物千

詩已

感喜卷之六十四

七

崖萬嶺相縈鬱身騎白鹿行飄颻手翳紫芝笑披  
拂相如不足誇鷓鴣王恭鶴斃安可方瑤臺雪花  
數千點片片吹落春風香爲君持此凌蒼蒼上朝  
三十六玉皇下窺夫子不可及矯首相思空斷腸

早秋單父南樓酬竇公衡

白露見日滅紅顏隨霜凋別君若俯仰春芳辭秋  
條泰山嵯峨夏雲在疑是白波漲東海散爲飛雨  
川上來遙帷却卷清浮埃知君獨坐青軒下此時  
結念同懷者一作同所懷我閉南樓著一作看道書幽簾

清寂若一作在仙居曾無好事來相訪賴爾高文一  
起予

訓張司馬贈墨

上黨碧松煙夷陵丹砂末蘭麝凝珍墨精光乃堪  
掇黃頭奴子雙鴉鬟錦囊養之懷袖間今日贈余  
蘭亭去興來灑筆會稽山

訓中一作東都小吏携斗酒雙魚於逆旅見

贈

曾酒琥珀色一作若琥珀汶魚紫錦鱗山東豪吏有俊

氣手攜一作持此物贈遠人意氣相傾兩相顧斗酒

雙魚表情素酒來我飲之鱠作別離處今本無雙此二句

鯁呀虛牙切呬呼甲切鬢鬣張蹠一作跋刺銀盤欲飛去

呼兒拂机霜刃揮紅肌一作腮花落白雪霏為君下

筋一餐罷一作飽醉著金鞍上馬歸

答杜秀才五松見贈

昔獻長揚賦天開雲雨歡當時待詔承明裏皆道

揚雄才可觀敕賜飛龍二天馬黃金絡頭白玉鞍

浮雲蔽日去不返總為秋風摧紫蘭角巾東出商

山道采秀行歌詠芝草路逢園綺笑向人兩君解

來一何好聞道金陵龍虎盤還同謝朓望長安千

峯夾水向秋浦五松名山當夏寒銅井炎爐歆九

天赫如鑄鼎荆山前陶公矍鑠呵赤電回祿睢盱

揚紫煙此中豈是久畱處便欲燒丹從列仙愛聽

松風且高卧颼颼吹盡炎風過登崖獨立望九州

陽春一作欲奏誰相和聞君往年遊錦城章仇尚

書倒屣迎飛牋絡繹奏明主天書降問迴恩榮骭

髒不能就珪組至今空揚高蹈名夫子工文絕世

言系  
五松新作天下推吾非謝尚邀彦伯異代風流  
各一時一時相逢樂在今袖拂白雲開素琴彈爲  
三峽流泉音從茲一別武陵去去後桃花春水深  
答王十二寒夜獨酌有懷

昨夜吳中雪子猷佳興發萬里浮雲卷碧山青天  
中道流孤月孤月滄浪一作波河漢清北斗錯落長  
庚明懷余對酒夜霜白玉牀金井水崢嶸人生飄  
忽百年內且須酣暢萬古情君不能狸膏金距學  
鬪雞坐令鼻息吹虹霓君不能學哥舒橫行青海

夜帶刀西屠石堡取紫袍吟詩作賦北牕裏萬言  
不直一杯水世人聞此一作之皆掉頭有如東風射

馬耳魚目亦笑我請一作謂與明月同驂騮拳跼不

能食蹇驢得志鳴春風折楊皇華合流俗晉君聽  
琴枉清角巴人誰肯和陽春楚地由來賤竒璞黃  
金散盡交不成白首爲儒身被輕一談一笑失顏  
色蒼蠅貝錦誼謗聲會參豈是殺人者讒言三及  
慈母驚與君論心握君手榮辱於余亦何有孔聖  
猶聞傷鳳麟董龍更是何雞狗一生傲岸苦不諧

恩踈媒勞志多垂嚴陵高揖漢天子何必長劍挂  
願事玉階達亦不足貴窮亦不足悲韓信羞將絳  
灌比襴衡恥逐屠沽兒君不見李北海英風豪氣  
今何在君不見裴尚書土墳三尺蒿棘一作高下居少  
年早欲五湖去見此彌將鐘鼎踈

夢遊天姥吟留別東魯諸公一題作別東魯諸公

海客談瀛洲煙濤微茫一作瀾漫信難求一作煙波微茫不易求  
越人誤天姥雲霓明滅或可覩天姥連天向天橫  
勢拔五嶽掩赤城天台四萬八千丈對此欲倒東

南傾我欲因之一作冥搜夢吳越一夜飛度鏡湖月湖

月照我影送我至剡谿謝公宿處今尚在淥水蕩

漾清一作青猿啼脚着謝公屐身登青雲梯半壁見

海日空中聞天雞千巖萬轉路不定迷花倚石忽

已暝熊咆龍吟殷巖泉慄深林兮驚層巔雲青青

兮欲雨水澹澹兮生煙列缺霹靂丘巒崩摧洞天

石扉一作扇訇然中一作轟然中開青冥浩蕩一作鴻濛不見

底日月照耀金銀臺霓為衣一作裳兮風一作鳳為馬

雲之中一作中君兮紛紛而來下虎鼓瑟兮鸞回車仙

之人兮列如麻忽竟悸以鬼動恍驚起而長嗟惟  
覺時之枕席失向來之煙霞世間行樂亦如此古  
來萬事東流水別君去兮今本作何時還且放白鹿

青崖間須行即騎訪一作名山安一作能摧眉折

腰事權貴使我不得開心顏一作暫樂酒

幾日空留別于十一兄逃裴十三遊塞垣

太公渭川水李斯上蔡門釣周獵秦安黎元小魚

魏音兔何足言天張雲卷有時節吾徒莫歎抵觸

藩于公白首大梁野使人悵望何可論既知朱亥

為壯士且願束心秋毫裏秦趙虎爭血中原當去

抱關救公子裴生覽千古龍鸞炳文一作章悲一作

高吟雨雪動林木放書輟劍思高堂勸爾一杯酒

拂爾裘上霜爾為我楚舞吾為爾楚歌且探虎穴

向沙漠鳴鞭走馬凌黃河恥作易水別臨岐淚滂

沲

鳴臯歌送岑徵君時梁園三尺雪

若有人兮思鳴臯阻積雪兮心煩勞洪河凌競不

可以徑度冰龍鱗兮難容舳邈仙山之峻極兮聞

天籟之嘈嘈霜厓縞皓以合沓兮若長風扇海湧  
滄溟之波濤玄猿綠巖舔啖峯岌咆危一作柯振石

駭膽慄鬼羣呼而相號峯崢嶸以路絕挂星辰於  
巖藪音敖送君之歸兮動鳴臯之新作交鼓吹兮彈

絲觴清泠之池閣君不行兮何待若反顧之黃鶴  
掃梁園之羣英振大雅於東洛巾征軒兮歷阻折

尋幽居兮越巘嶸盤白石兮坐素月琴松風兮寂  
一作萬壑望不見兮心氛氲蘿冥冥兮霰紛紛水

橫洞以下淥波小聲而上聞虎嘯谷而生風龍藏

谿而吐雲寡一作冥鶴清淚饑鼯嘖呻塊獨處此幽

默兮愀空山而愁人雞聚族以爭食鳳孤飛而無  
鄰蝮涎嘲龍魚目混珍嫫母衣錦西施負薪若使

巢由桎梏於軒冕兮亦奚異乎夔龍躡蒲結切躡音薛

於風塵哭何苦而救楚笑何誇而却秦吾誠不能  
學二子沽名矯節以耀世兮固將棄天地而遺身

白鷗兮飛來長與君兮相親  
鳴臯歌奉餞從翁清歸五厓山居

憶昨鳴臯夢裏還手弄素月清潭間覺時枕席非

碧山側身西望阻秦關麒麟閣上春還早著書却  
 憶伊陽好青松來風吹石一作古道綠蘿飛花覆煙  
 草我家仙翁一作公愛清真才雄草聖凌古人欲卧  
 鳴臯絕世塵鳴臯微茫在何處五崖峽一作谿水橫  
 樵路身披翠雲裘袖拂紫煙去去時應過嵩少間  
 相思為折三花樹

魯郡堯祠送竇明府薄華還西京

時久病初起作

朝策犁眉騶舉鞭力不堪強扶愁疾向何處角巾  
 微服一作步堯祠南長楊掃地不見日石門噴作金

沙潭笑誇故人

一作伯明

指絕境山光水色青於藍廟

中往往來擊鼓堯本無心爾何苦門前長跪雙石

人有女如花日歌舞銀鞍繡轂往復迴簸林蹶石

鳴風雷遠煙空翠時明滅白鷗歷亂長飛雪紅泥

亭子赤闌干碧流環轉青錦湍深沈百丈洞海底

那知不有蛟龍蟠君不見綠珠潭水流東海綠珠

紅粉沈光彩

一作白首同歸翳光彩

綠珠樓下花滿園今日

曾無一枝在昨夜秋聲閶闔來洞庭木落騷人哀

遂將三五少年輩登高遠望形神開生前一笑輕

九鼎魏武何悲銅雀臺我歌白雲倚牕牖爾聞其  
聲但揮手長風吹月度海來遙勸仙人一杯酒酒  
中樂酣宵向分舉觴酌堯堯可聞何不令臯陶擁  
篲橫八極直上青天揮一作掃浮雲高陽小飲真瑣  
瑣山公酪酏何如我竹林七子去道賒蘭亭雄筆  
安足跨堯祠笑殺五一作鏡湖水至今憔悴空荷花  
爾向西秦我東越暫向瀛洲訪金闕藍田太白若  
可期為余掃灑石上月

單父東樓秋夜送族弟沈一作沈况之秦一作時疑弟在

席

爾從咸陽來問我何勞苦沐猴而冠不足言身騎  
土牛滯東魯沈弟欲行疑弟留孤飛一鴈秦雲秋  
坐來黃葉落四五北斗已一作稍挂西城樓絲桐感  
人絃亦絕滿堂送君皆惜別卷簾見月清興來疑  
是山陰夜中雪明日斗酒別惆悵清路塵遙望長  
安日不見長安人長安宮闕九天上此地曾經為  
近臣一朝復一朝髮白心不改屈原憔悴滯江潭  
亭伯流離放遼海折翮翻飛隨轉蓬聞弦虛墜下

霜空一作翼短天長去不窮 聖朝久棄青雲士他日誰憐張

長公

灞陵行送別

送君灞陵亭灞水流浩浩上有無花之古樹下有  
傷心之春草我向秦人問路岐云是王粲南登之  
古道古道連綵走西京紫關今本作關落日浮雲生正  
當今夕斷腸處驪歌一作黃鸝愁絕不忍聽

送別

尋陽五谿水沿汨直入巫山裏勝境由來人共傳

君到南中自稱美送君別有八月秋颯颯蘆花復  
益愁雲帆望遠不相見日暮長江空自流

送祝八之江東賦得浣紗石

西施越谿女明豔光雲海未一作來入吳王宮殿時

浣紗石一作故今猶在桃李新開映古查菖蒲猶

短出平沙昔時紅粉照流水今日青苔覆落花君

去西秦適東越碧山清江幾超忽若到天涯思故

人浣紗石上窺明月

宣州謝朓樓餞校書叔雲

一作陪侍御叔華登樓歌

言終  
盛唐卷之六十四  
棄我去者昨日之日不可留亂我心者今日之日  
多煩憂長風萬里送秋鴈對此可以酣高樓蓬萊  
文章建安骨中間小謝又清發俱懷逸興壯思飛  
欲上青天一作雲覽日月抽刀斷水水更流舉杯銷  
愁愁更今本一作復愁人生在世不稱意明朝舉棹還滄  
洲一作明朝散髮弄扁舟

送舍弟

吾家白額駒遠別臨東道他日相思一夢君應得  
池塘生春草

攜妓登梁王棲霞山孟氏桃園中

碧草已滿地柳與梅爭春謝公自有東山妓金屏  
笑坐如花人今日非昨日明日還復來白髮對綠  
酒強歌心已一作自摧君不見梁王池上月昔照梁  
王樽酒中梁王已去明月在黃鸝愁醉啼春風分  
明感激眼前事莫惜醉卧桃園東

下途歸石門舊居

吳山高越水清握手無言傷別情將欲辭君挂帆  
去離魂不散煙郊樹此心鬱悵誰能論有愧叨承

詩紀  
國士恩雲物共傾三月酒歲時同餞五侯門羨君  
素書常滿案含丹照白霞色爛余嘗學道窮冥筌  
夢中往往遊仙山何當脫屣謝時去壺中別有日  
月天俛仰人間易凋朽鍾峯五雲在軒牖惜別愁  
窺玉女牕歸來笑把洪厓手隱居寺隱居山陶公  
鍊液栖其間靈神閉氣昔登攀恬然但覺心緒閑  
數人不知幾甲子昨夜猶帶冰霜顏我離雖則歲  
物改如今了然識所在別君莫道不盡歡懸知樂  
客遙相待石門流水徧桃花我亦曾到秦人家不

知何處得雞豕就中仍見繁桑麻翛然遠與世事  
間裝鸞駕鶴又復遠何必遠從七貴遊勞生徒聚  
萬金產揖君去長相思雲遊雨散從此辭欲知悵  
別心易苦向暮春風楊柳絲

同族弟金城尉叔

一作

卿燭照山水壁畫

歌

高堂粉壁圍蓬瀛燭前一見滄洲清洪波洶湧山  
崢嶸皎若丹丘隔海望赤城光中乍喜嵐氣滅謂  
逢山陰晴後雪迴谿碧流寂無喧又如秦人月下

窺花源了然不覺清心竟祗將疊嶂鳴秋猿與君  
對此歡未歇放歌行吟達明發却顧海客揚雲帆  
便欲因之向溟渤

觀博平王志安少府山水粉壁

粉壁爲空天丹青壯江海游雲不知歸日見白鷗  
在博平真人王志安沈吟至此願挂冠松谿石磴  
帶秋色愁客思歸坐曉寒

觀放白鷹

寒冬十二月蒼鷹八九毛寄言燕雀莫相啅

與啄  
通

自有雲霄萬里高

寄遠三首

憶昨東園桃李紅碧枝與君此時初別離金瓶落  
井無消息令人行歎復坐思坐思行歎成楚越春  
風玉顏畏銷歇碧牕紛紛下落花青樓寂寂空明  
月兩不見但相思空留錦字表心素至今緘愁不  
忍窺

愛君芙蓉嬋娟之豔色若

一作色

可餐今難再得憐

君冰玉清迥之明心情不極兮意已深朝共琅玕

之綺食夜同鴛鴦之錦衾恩情婉變忽爲別使人  
莫錯亂愁心亂愁心涕如雪寒燈厭夢竟欲絕覺  
來相思生白髮盈盈漢水若可越可惜凌波步羅  
襪美人美人今歸去來莫作朝雲暮雨今一本無  
以上三  
句飛陽臺

對酒

蒲萄酒金叵音頗羅吳姬十五細馬馱青黛畫眉紅  
錦靴道字不正嬌唱歌玳瑁筵中懷裏醉芙蓉帳  
底柰君何

代美人愁鏡

美人贈此盤龍之寶鏡燭我金縷之羅衣時將紅  
袖拂明月爲惜普照之餘輝影中金鵲飛不滅臺  
下青鸞思獨絕藁砧一別若箭弦去有日來無年  
狂風吹却妾心斷玉筍并墮菱花前

代寄情楚辭體

君不來兮徒蓄怨積思而孤吟雲陽一去已遠隔  
巫山綠水之沈沈畱餘香兮染繡被夜欲寢兮愁  
人心朝馳余馬於青樓恍若空而夷猶浮雲深兮

詩經 卷之六十四  
不得語却惆悵而懷憂使青鳥兮銜書恨獨宿兮  
傷離居何無情而兩絕夢雖往而交疎橫流涕而  
長嗟折芳洲之瑤華送飛鳥以極目怨夕陽之西  
斜願爲連根同死之秋草不作飛空之落花

秋風六三五七言

秋風清秋月明落葉聚還散寒鴉棲復驚相思相  
見知何日此時此夜難爲情

自溧水道哭王炎

王公希代寶棄世一何早弔死不及衰殯官已秋

草悲來欲脫劍挂向何枝好哭向茅山雖未摧一  
生淚盡丹陽道

盛唐第六十四

唐詩紀一百二十五

盛唐第六十五

唐詩紀一百二十五

鄆郡吳 瑄彙編

東吳陸文組同校

李白十七

宮中五言律詩

宮中行樂詞八首

本傳云玄宗坐沈香亭子意有所感欲得白  
為樂章召入而白已醉左右以水頰面稍解  
援筆成文婉麗精切無留思  
按紀事指為宮中行樂詞也

小小生金屋盈盈在紫微  
山花插寶髻石竹繡羅

詩已

盛唐卷之六十五

一

衣每出深宮裏常隨步輦歸只愁歌舞散一作化  
作綵雲飛

柳色黃金嫩梨花白雪香玉樓巢一作開翡翠珠今本

作金殿鎖宿一作鴛鴦選妓隨雕一作朝輦徵歌出洞房

官中誰第一飛燕在昭陽

盧橘為秦樹蒲萄出一作是漢宮煙花宜落日絲管

醉春風笛奏龍吟宋本水簫鳴宋本鳳下空君王

多樂事何必向一作在回中一作還與萬方同

玉樹一作殿春歸日一作好金宮樂事多後庭朝未入

輕輦夜相過笑出一作向花間語嬌來燭一作竹下歌

莫教明月去留著醉嫦娥

繡戶香風煖紗牕曙色新宮花爭笑日池草暗生

春綠樹聞歌鳥青樓見舞人昭陽桃李月羅綺自

一作坐相親

今日明光裏還須結伴遊春風開紫殿天樂下珠

樓豔舞全知巧嬌歌半欲羞更憐花月夜宮女笑

藏鈎

寒雪梅中盡春風柳上歸宮鸞嬌欲醉簷燕語還

言絲  
盛唐卷之二十五  
飛遲日明歌席新花豔舞衣晚來移綵仗行樂泥  
一作  
好光輝

水綠南薰殿花紅北闕樓鶯歌聞太液鳳吹繞瀛  
洲素女鳴珠珮天人弄綵毬今朝風日好宜入未  
央遊

塞下曲二首

五月天山雪無花祗有寒笛中聞折柳春色未曾  
看曉戰隨金鼓宵眠抱玉鞍願將腰下劍直爲斬  
樓蘭

駿馬似風颺鳴鞭出渭橋彎弓辭漢月插羽破天  
驕陣解星芒盡營空海霧銷功成畫麟閣獨有霍  
嫖姚

塞虜乘秋下天兵出漢家將軍分虎竹戰士卧

一作泣龍沙邊月隨弓影胡霜拂劍花玉關殊未入少

婦莫長嗟

從軍行

從軍玉門道逐虜金微山笛奏梅花曲刀開明月  
環鼓聲鳴海上兵氣擁雲間願斬單于首長驅靜

鐵關

鳳臺曲

常聞秦帝女傳得鳳凰聲是日逢仙子當時別有

情人吹綵簫去天借綠雲迎曲

宋本

在身不返空

餘弄玉名

紫騮馬

紫騮行

一作驕

且嘶雙翻碧玉蹄臨流不肯渡似惜

錦障泥白雪關山

一作城

遠黃雲海樹

一作戍

迷揮鞭

萬里去安得念

一作戀

春閨

長信怨

一作集

月皎昭陽殿霜清長信宮天行乘玉輦飛燕與君

同別有留情處

一作更有

承恩樂未窮誰憐團扇

妾獨坐怨秋風

秋思

闕氏黃葉落妾望自

一作白登臺月出

一作海上

碧雲斷

單于

一作蟬聲

秋色來胡兵沙塞合漢使玉關回征客

無歸日空悲蕙草摧

秋浦歌

詩記

盛唐卷之六十五

四

詩經 孟唐卷之六十五  
秋浦猿夜愁黃山堪白頭清谿非隴水翻作斷腸  
流欲去不得去薄遊成久遊何年是歸日雨淚下  
孤舟

侍從遊宿溫泉宮作

羽林十二將羅列應星文霜仗懸秋月霓旌卷夜  
雲嚴更千戶肅清樂九天聞日出瞻佳氣葱葱

宋本

作叢叢繞聖君

溫泉侍從歸逢故人

漢帝長揚苑誇胡羽獵歸子雲叨侍從獻賦有光

輝激賞搖天筆承恩賜御衣逢君奏明主他日共  
翻飛

贈孟浩然

吾愛孟夫子風流天下聞紅顏棄軒冕白首卧松  
雲醉月頻中聖迷花不事君高山安可仰徒此揖  
清芬

贈任城盧主簿

海鳥知天風竄身魯門東臨觴不能飲矯翼思凌  
風鐘鼓不爲樂煙霜誰與同歸飛未忍去流淚謝

鷓鴣

贈薛校書

我有吳趨

一作越

曲無人知此音姑蘇成蔓草麋鹿

空悲吟未誇觀濤作空鬱鈞鼇心舉手謝東海虛

行歸故林

贈郭季鷹

河東郭有道於世若浮雲盛德無我位清光獨映

君恥將雞並食長與鳳為羣一擊九仞相期凌

紫氛

口號贈楊徵君鴻

此公時被召

陶令辭彭澤梁鴻入會稽我尋高士傳君與古人

齊雲卧留丹壑天書降紫泥不知楊伯起早晚向

關西

贈昇州王使君忠臣

六代帝王國二吳佳麗城賢人當重寄天子借高

名巨海一邊靜長江萬里清應須救趙策未肯棄

侯羸

贈崔秋浦三首

吾愛崔秋浦宛然陶令風門前一作栽五楊柳井上

一作夾二梧桐山鳥下廳事簷花落酒中懷君未忍

去惆悵意無窮

崔令學陶令一作君似北窓常晝眠抱琴時弄月

一作弄取意任無絃見客但傾酒為官不愛錢東

臯春事起種黍早歸田宋本作東臯多種黍勸爾早耕田

河陽花作縣秋浦玉為人地逐名賢好風隨惠化

春水從天漢落山逼畫屏新應念金門客投沙弔

楚臣

望九華贈青陽韋仲堪

昔在九江上遙觀宋本作望九華峯天河挂綠水秀出

九芙蓉我欲一揮手誰人可相從君為東道主於

此卧雲松

贈漢陽輔錄事

聞君罷官意我抱漢川湄借問久疎索一作疎索後何

如聽訟時天清江月白心靜海鷗知應念投沙客

空餘弔屈悲

贈柳圓

詩紀

盛唐卷之六十五

三

竹實滿秋圃鳳來何苦饑還同月下鵲三繞未安  
枝夫子卽瓊樹傾柯拂羽儀懷君戀明德歸去日  
相思

贈錢徵君少陽

一作送  
趙雲卿

白玉一杯酒綠楊三月時春風餘幾日兩鬢各成  
絲秉燭惟須飲投竿也未遲如逢渭水一作獵猶  
可帝王師

至鴨欄驛上白馬磯贈裴侍御

側疊萬古石橫爲白馬磯亂流若電轉舉棹揚珠

輝臨驛卷緹幕升堂接繡衣情親不避馬爲我解  
霜威

寄淮南友人

紅顏悲舊國青歲歇芳洲不待金門詔空持寶劍  
遊海雲迷驛道江月隱鄉樓復作淮南客因逢桂  
樹畱

沙丘城下寄杜甫

我來竟何事高卧沙丘城城邊有古樹日夕連秋  
聲魯酒不可醉齊歌空復情思君若汶水浩蕩寄

南征

寄當塗趙少府炎

晚登高樓望木落雙江清  
寒山饒積翠秀色連州城  
目送楚雲盡心悲胡鴈聲  
相思不可見迴首故人情

寄王漢陽

南湖秋月白王宰夜相邀  
錦帳郎官醉羅衣舞女嬌  
笛聲喧沔鄂歌曲上雲霄  
別後空愁我相思一水遙

望漢陽柳色寄王宰

漢陽江上柳望客引東枝  
樹樹花如雪紛紛亂若絲  
春風傳我意草木度一作前知  
絃歌宰西來定未遲一作草木寄謝

江上寄巴東故人

漢水波浪遠巫山雲雨飛  
東風吹客夢西落此中時  
覺後思白帝佳人與我違  
瞿塘饒賈客音信莫令稀

寄從弟宣州長史昭

詩已

詩經  
盛唐卷之六十五  
九  
爾佐宣州郡守官清且閑常誇雲月好邀我敬亭  
山五落洞庭葉三江猶未還相思不可見歎息損  
朱顏

三山望金陵寄殷淑

三山懷謝朓水澹

一作綠水

望長安蕪沒河陽縣秋江

正北看盧龍霜氣冷鵙鵲月光寒耿耿憶瓊樹天  
涯寄一歡

寄上吳王

淮王愛八公攜手綠雲中小子忝枝葉亦攀丹桂

叢謬以詞賦重而將枚馬同何心背淮水東之觀  
土風

對酒憶賀監二首

并序

太子賓客賀公於長安紫極宮一見余呼余為  
謫仙人因解金龜換酒為樂歿後對酒悵然有  
懷而作是詩

四明有狂客風流賀季真長安一相見呼我謫仙  
人昔好杯中物今一作翻為松下塵金龜換酒處却

憶淚沾巾

狂客歸四明山陰道士迎敕賜鏡湖水為君臺沼  
榮人亡餘故宅空有荷花生念此杳如夢悽然傷  
我情

張相公出鎮荊州尋除太子詹事余時流  
夜郎行至江夏與張公去千里公因太府  
丞王昔使車寄羅衣一事及五月五日贈  
余詩余答以此詩

張衡殊不樂應有四愁詩慙君錦繡段贈我慰相  
思鴻鵠復矯翼鳳凰憶故池榮樂一如此商山老

紫芝

南陽送客

斗酒勿為薄寸心貴不忘坐惜故人去偏令遊子  
傷離顏怨芳草春思結垂楊揮手再三別臨岐空  
斷腸

送張舍人之江東

張翰江東去正值秋風時天清一作晴一鴈遠海闊  
孤帆遲白日行欲暮滄波杳難期吳洲如一作好見  
月千里幸相思

送族弟凝之滁求婚崔氏

與爾情不淺忘筌已得魚玉臺挂寶鏡持此意何  
如坦腹東牀下由來志氣踈遙知向前路擲果定  
盈車

杭州送裴大澤時赴廬州長史

西江天柱遠東越海門深去割慈親戀行憂報國  
心好風吹落日流水引長吟五月披裘者應知不  
取金

送白利從金吾董將軍西征

西羌延國討白起佐軍威劔決浮雲氣弓彎明月

輝馬行邊草綠旗

今本作旗

卷曙霜飛抗手凜相顧寒

風生鐵衣

送侯十一

朱亥已擊晉侯羸尚隱身時無魏公子豈貴抱關  
人余亦不火食遊梁同在陳空餘湛盧劔贈爾托  
交親

奉餞高尊師如貴道士傳道錄畢歸北海

道隱不可見靈書藏洞天吾師四萬劫歷世遞相

傳別杖留青竹行歌躡紫煙離心無遠近長在玉  
京懸

送長沙陳太守二首

長沙陳太守逸氣凌青松英主賜五馬本是天池  
龍湘水迴九曲衡山望五峯榮君按節去不及遠  
相從

七郡長沙國南連湘水濱吳

今本作定

王垂舞袖地窄

不迴身莫小二千石當安遠俗人洞庭鄉路遠遙  
美錦衣春

送楊山人歸嵩山

我有萬古宅嵩陽玉女峯長留一片月挂在東谿  
松爾去掇仙草菖蒲花紫茸

一作君行到此  
峯餐霞駐衰容

歲晚

或相訪青天騎白龍

送殷淑二首

海水不可解連江夜為潮俄然浦嶼闊岸去酒船  
遙惜別耐取醉鳴榔且長謠天明爾當去應便有  
風飄

白露洲前月天明送客迴青龍山後日早出海雲

來流水無情去征帆逐吹開相看不忍別更進手中杯

送通禪師還南陵隱靜寺

我聞隱靜寺山水多竒蹤巖種朗公橋門深杯渡  
松道人制猛虎振錫還孤峯他日南陵下相期谷  
口逢

送友人

青山橫北郭白水遶東城此地一爲別孤蓬萬里  
征浮雲遊子意落日故人情揮手自茲去蕭蕭斑

馬鳴

送別

又見岑參傳

斗酒渭城邊壚頭醉不眠梨花千樹雪楊葉萬條  
煙惜別傾壺醑臨分贈馬鞭看君頰上去新月到  
應圓

江上送女道士褚三清遊南嶽

吳江女道士頭戴蓮花巾霓裳不濕雨特異陽臺  
神足下遠遊履凌波生素塵尋仙向南嶽應見魏  
夫人

詩紀

送友人入蜀

見說蠶叢路崎嶇不易行  
山從人面起雲傍馬頭  
生芳樹籠秦棧春流遶蜀城  
升沈應已定不必訪  
一作君平問

送李青歸華

今本陽川作葉

伯陽仙家子容色如青春  
日月秘靈洞雲

一作霞

辭世人化心養精鬼隱几  
宵天真莫作千年別歸  
來城郭新

送別得書字

水色南天遠舟行若在虛  
遷人發佳興吾子訪閑

居日落看飛鳥潭澄憐

今本作美

躍魚聖朝思賈誼應

降紫泥書

送麴十少府

試發清秋興因為吳會吟  
碧雲歛海色流水折

宋本

折作江心我有延陵劍君無陸賈金  
艱難此為別惆

悵一何深

送王孝廉覲省

廬江作

彭蠡將天合姑蘇在日邊  
寧親候海色欲動孝廉

言  
船窈窕晴江轉參差遠岫連相思無晝夜東泣似  
長川

同吳王送杜秀芝舉入京

秀才何翩翩王許回也賢暫別廬江守將遊京北  
天秋山宜落日秀木出寒煙欲折一枝桂還來鴈  
沼前

送梁四歸東平

玉壺挈美酒送別強爲歡大火南星月長郊北路  
難殷王期負鼎汶水起垂竿莫學東山卧參差老

謝安

送郗昂謫巴中

瑶草寒不死移植滄江濱東風灑雨露會入天地  
一作池春予若洞庭葉隨波送逐臣思歸未可得書

此謝情人

江夏送張丞

欲別心不忍臨行情更親酒傾無限月客醉幾重  
春藉草依流水攀花贈遠人送君從此去迴首泣  
迷津

廣陵贈別

玉一作金瓶沽美酒數里送君還繫馬垂楊下銜杯  
大道間天邊看淥水海上見青山興罷各分袂何  
須醉別顏

別儲邕之剡中

借問剡中道東南指越鄉舟從廣陵去水入會稽  
長竹色谿下綠荷花鏡裏香辭君向天姥拂石卧  
秋霜

畱別龔處士

龔子棲閑地都無人世喧柳深陶令宅竹暗辟疆  
園我去黃牛峽遙愁白帝猿贈君卷薤草心斷竟  
何言

贈別鄭判官

竄逐勿復哀慙君問寒灰浮雲本無意吹落章華  
臺遠別淚空盡長愁心已摧三年吟澤畔顛顛幾  
時廻

渡荆門送別

渡遠荆門外來從楚國遊山隨平野盡江入大荒

言終  
流月下飛天鏡雲生結海樓仍憐故鄉水萬里送  
行舟

江夏別宋之悌

楚水清若空遙將碧海通人分千里外與在一杯  
中谷鳥吟晴日江猿嘯晚風平生不下淚於此泣  
無窮

夜別張五

吾多張公子別酌酣高堂聽歌舞銀燭把酒輕羅  
裳橫笛弄秋水集作琵琶彈陌桑龍泉解錦帶爲

爾傾千觴

見京兆韋參軍量移東陽

聞說金華渡東連五百灘全勝若耶好莫道此行  
難猿嘯千谿合松風五月寒他年一攜手搖艇入  
新安

盛唐第六十五

巖巖巖千嶽合公風五月寒出平一謝手謝人

盛唐第六十六

唐詩紀一百二十六

鄆郡吳 瑄彙編

東吳陸文組同校

李白

十八

五言律詩

秋夜與劉錫山泛燕喜亭池

明宰

試舟楫張燈宴華池文招梁苑客歌動郢中

兒月色望不盡空天交相宜令人欲泛海只待長

風吹

同效

詩紀

言終  
風火 同族姪一作弟評事黯遊昌禪師山池二首

遠公愛康樂為我開禪關蕭然松石下何異清涼  
山花將色不染水與心俱閑一坐度小劫觀空天

地間

客來花雨際秋水落金池片石寒青錦疎楊挂綠  
絲高僧拂玉柄童子獻霜梨惜去愛佳景煙蘿欲  
暝時

遊秋浦白筇陂二首

筇音干上聲音縞又音躬

何處夜行好月明白筇陂山光搖積雪猿影挂寒

枝但恐佳景晚小令歸棹移人來有清興及此有  
相思

白筇夜長嘯爽然谿谷寒魚龍動陂水處處生波  
瀾天借一明月飛來碧雲端故鄉不可見腸斷正  
西看

宴陶家亭子

曲巷幽人宅高門大士家池開照膽鏡林吐破顏  
花綠水藏春日青軒秘晚霞若聞絃管妙金谷不  
能誇

在水軍宴韋司馬樓船觀妓

搖曳帆在空清流

一作川

順歸風詩因鼓吹發酒為

劍歌雄對舞青樓妓雙鬟白玉童行雲且莫去畱

醉楚王宮

流夜郎至江夏陪長史叔及薛明府宴興

德寺南閣

紺殿橫江上青山落鏡中岸迴沙不盡日映水成

空天樂流

一作聞

香閣蓮舟颺晚風恭陪竹林宴畱

醉與陶公

楚江黃龍磯南宴楊執戟治樓

五月入五洲碧山對青樓故人楊執戟春賞楚江

流一見醉

今本作波

漂月三杯歌

一作縱

棹謳桂枝攀不

盡他日更相求

早望海霞邊

四明三千里朝起赤城霞日出紅光散分輝照雪

厓一餐嚙瓊液五內發金沙舉手何所待青龍白

虎車

登新平樓

去國登茲樓懷歸傷暮秋天長落日遠水淨寒波  
流秦雲起嶺樹胡鴈飛沙洲蒼蒼幾萬里目極令  
人愁

陪宋中丞武昌夜飲懷古

清景南樓夜風流在武昌庾公愛秋月乘興坐胡  
牀龍笛吟寒水天河落曉霜我心還不淺懷古醉  
餘觴

與夏十二登岳陽樓

樓觀岳陽盡一作川向洞庭開鴈引愁心去

一作鴈別  
秋江去

山銜好月來雲間連

一作逢

下榻天上接

行杯醉後涼風起吹人舞袖迴

與賈至舍人於龍興寺剪落梧桐枝望滄

湖

剪落青梧枝滄湖坐可窺雨洗秋山淨林光澹碧  
滋水閑明鏡轉雲繞畫屏移千古風流事名賢共  
此時

挂席江上待月有懷

待月月未出望江江自流倏忽城西郭青天懸玉

詩經  
五唐卷之六十六  
四  
鈞素華雖宋本作難可攬清景不同遊耿耿金波裏空  
瞻鳩鵲樓

秋登宣城謝朓北樓

江城如畫裏山晚望晴空兩水夾明鏡雙橋落彩  
虹人煙寒一作空橘柚秋色老梧桐誰念北樓上臨  
風懷謝公

過崔八丈水亭

高閣橫秀氣清幽併在君簷飛宛谿水牕落敬亭  
雲猿嘯風中斷漁歌月裏聞閑隨白鷗去沙上自

爲羣

太原早秋

歲落衆芳歇時當大火流霜威出塞早雲色渡河  
秋夢遶邊城月心飛故國樓思歸若汾水無日不  
悠悠

宿五松山下荀媪家

我宿五松下寂寥無所歡田家秋作苦鄰女夜春  
寒跪進雕胡飯月光明素盤令人慙漂母三謝不  
能餐

觀魚潭

觀魚碧潭上木落潭水清日暮紫鱗躍圓波處處  
生涼煙浮竹盡秋月照沙明何必滄浪去茲焉可  
濯纓

金陵三首

晉家南渡日此地舊長安地即帝王宅山為龍虎

盤

一作碧字樓臺  
滿青山龍虎盤

金陵空壯觀天塹

一作江塞

淨波瀾

醉客迴橈去吳歌且自歡

一作誰云  
行路難

地擁金陵勢城迴江水

一作漢

流當時百萬戶夾道

起朱樓亡國生春草王宮沒古丘空餘後湖月波

上對瀛

一作江洲

六代興亡國三杯為爾歌苑方秦地小

一作少

山似

洛陽多古殿吳花草深宮晉綺羅併隨人事滅東

逝只

一作與

滄波

宿巫山下

昨夜巫山下猿聲夢裏長桃花飛綠水三月下瞿  
塘雨色風吹去南行逐楚王高丘懷宋玉訪古一  
霑裳

詩記

盛唐卷之六

六

言系  
盛唐卷之六  
六  
謁老君廟

先君懷聖德靈廟肅神心  
草合人蹤斷塵濃鳥跡  
深流沙丹竈滅關路紫煙沈  
獨傷千載後空餘松柏林

謝公亭

蓋謝朓范雲之所遊

謝亭

今本作公

離別處風景每生愁  
客散青天月山空

碧水流池花春映日  
牕竹夜鳴秋今古一相接  
長歌懷舊遊

夜泊牛渚懷古

牛渚西江夜青天無片雲  
登舟望秋月空憶謝將

軍余亦能高詠斯人不可聞  
明朝挂帆席

一作洞庭去

楓葉落

一作紛紛

對酒醉題屈突明府廳

陶令八十日長歌歸去來  
故人建昌宰借問幾時  
迴風落吳江雪紛紛入酒杯  
山翁今已醉舞袖爲君開

待酒不至

玉壺繫青絲沽酒來何遲  
山花向我笑正好銜杯

詩經  
時晚酌東軒下流鶯復在茲春風與醉客今日乃相宜

尋雍尊師隱居

羣峭碧摩天逍遙不記年撥雲尋古道倚樹聽流泉花煖青牛卧松高白鶴眠語來江色暮獨自下寒煙

訪戴天山道士不遇

犬吠水聲中桃花帶露雨一作濃樹深時見鹿谿午不聞鐘野竹分青靄飛泉挂碧峯無人知所去愁

倚兩三松

題宛谿館

吾憐宛谿好百尺

一作照心一作明一作照何

謝新安水千尋見底清白沙留月色綠竹助秋聲却笑巖湍上于今獨擅名

奔亡道中二首

函谷如玉關幾時可生還洛陽為易水嵩嶽是燕山俗變羌胡語人多沙塞顏申包唯慟哭七日鬢毛斑

詩紀

森森望湖水青青蘆葉齊歸心落何處日沒大江  
西歇馬傍春草欲行遠道迷誰忍子規鳥連聲向  
我啼

放後遇恩不霑

天作雲與雷霈然德澤開東風日本至白雉越裳  
來獨棄長沙國三年未許回何時入宣室更問賈  
生才

感遇

可歎東籬菊莖疎葉且微雖言異蘭蕙亦自有芳

菲未泛盈樽酒徒沾清露輝當榮君不采飄落欲  
何依

聽蜀僧濬彈琴

蜀僧抱綠綺西下峨眉峯爲我一揮手如聽萬壑  
松客心洗流水餘響入霜鐘不覺碧山暮秋雲暗  
幾重

詠柳少府山瘿木樽

蟠木不彫飾且將斤斧疎樽成山嶽勢材是棟梁  
餘外與金罍並中涵玉醴虛慙君垂拂拭遂忝玳

筵居

見野草中有名白頭翁者

醉入田家去行歌荒野中如何青草裏亦有白頭翁折取對明鏡宛將衰鬢同微芳似相誚留恨向東風

觀獵

太守耀清威乘閑弄晚暉江沙橫獵騎山火遶行圍箭逐雲鴻落鷹隨月兔飛不知白日暮歡賞夜方歸

觀胡人吹笛

胡人吹玉笛一半是秦聲十月吳山曉梅花落敬亭愁聞出塞曲淚滿逐臣纓却望長安道空懷戀主情

平虜將軍妻

平虜將軍婦入門二十年君心自不一作悅妾寵豈能專出解牀前帳行吟道上篇古人不唾井莫忘昔纏綿

自溧水道哭王炎

詩紀

盛唐卷之六十六

王家碧瑤樹一樹忽先摧海內故人泣天涯弔鶴  
來未成霖雨用先天濟川材一罷廣陵散鳴琴更  
不開

宣城哭蔣徵君華

敬亭埋玉樹知是蔣徵君安得相如草空一作餘  
封禪文池臺空有月詞賦舊凌雲獨挂延陵劍千  
秋在古墳

七言律詩

送賀監歸四明應制

久辭榮祿遂初衣曾向長生說息機真訣自從茅  
氏得恩波應阻洞庭歸瑤臺含霧星辰滿仙嶠浮  
空島嶼微借問欲栖珠樹鶴何年却向帝城飛

贈郭將軍

將軍豪蕩有英威一作年少昔一作入掌銀臺護紫

微平明拂劍朝天去薄暮垂鞭醉酒歸愛子臨風

吹玉笛美人騰今本作向又月舞羅衣疇昔雄豪

如夢裏相逢且欲醉春暉一作今日相逢俱失

寄崔侍御

宛谿霜夜聽猿愁去國長爲不繫舟獨憐一鴈飛  
南海却羨雙谿解北流高人屢解陳蕃榻過客難  
登謝朓樓此處別離同落葉朝朝分散敬亭秋

別中都明府兄

吾兄詩酒繼陶君試宰中都天下聞東樓喜奉連  
枝會南陌還一作愁爲落葉分城隅一作江城綠水明秋  
日海上青山隔暮雲取醉不辭留夜月鴈行中斷  
惜離羣

登金陵鳳凰臺

鳳凰臺上鳳凰遊鳳去臺空江自流吳宮一作時花  
草埋幽徑晉代一作國衣冠成古丘三山半落青天  
外二一作水中分白鷺洲總爲一作盡道浮雲能蔽日  
長安不見使人愁

鸚鵡洲

鸚鵡來過吳江水江上洲傳鸚鵡名鸚鵡西飛隴  
山去芳洲之樹何青青煙開蘭葉香風煖岸夾桃  
花錦浪生遷客此時徒極目長洲孤月向誰明

題雍丘崔明府丹竈

美人爲政本忘機服藥求仙事不違葉縣已泥丹  
竈畢瀛洲當伴赤松歸先師有訣神將助大聖無  
心火自飛九轉但能生羽翼雙鳧忽去定何依

題東谿公幽居

杜陵賢人清且廉東谿卜築歲將淹宅近青山同  
謝朓門垂碧柳似陶潛好鳥迎春歌後院飛花送  
酒舞前筵客到但知留一醉盤中祇有水晶鹽

五言排律

贈崔侍郎

長劔一杯酒男兒方寸心洛陽因劇孟託宿話曾  
襟但仰山嶽秀不知江海深長安復攜手再顧重  
千金君乃輜軒軒今本作輜佐余叨翰墨林高風摧秀  
木虛彈落驚禽不取迴舟興而來命駕尋扶搖應  
借力一作便桃李願成陰笑吐張儀舌愁爲莊鳥吟  
誰憐明月夜腸斷聽秋砧

中丞宋公以吳兵三千赴河南軍次潯陽  
脫余之囚參謀幕府因贈之

獨坐清天下專征出海隅九江皆渡虎二郡盡還

珠組練明秋浦樓船入郢都風高初選將月滿欲  
平胡殺氣橫千里軍聲動九區白猿慙劍術黃石  
借兵符戎虜行當剪鯨鯢立可誅自憐非劇孟何  
以佐良圖

贈易秀才

少年解長劍投贈卽分離何不斷犀象精光暗往  
時蹉跎君自惜竄逐我因誰地遠虞翻老秋深宋  
玉悲空摧芳桂色不屈古松姿感激平生意勞歌  
寄此辭

江夏使君叔席上贈史郎中

鳳凰丹禁裏銜出紫泥書昔放三湘去今還萬死  
餘仙郎久爲別客舍問何如涸轍思流水浮雲失  
舊居多慙華省貴不以逐臣疎復如竹林下叨  
而陪芳宴初希君生羽翼一化北溟魚

春日歸山寄孟六浩然

朱紱遺塵境青山謁梵筵金繩開覺路寶筏度迷  
川嶺樹攢飛拱巖花覆谷泉塔形標海月樓勢出  
江煙香氣三天下鐘聲萬壑連荷秋珠已滿松密

言系  
蓋初圓鳥聚疑聞法龍叅若護禪愧非流水韻叨  
入伯牙絃

宣州九日聞崔四侍御與宇文太守遊敬  
亭余時登響山不同此賞醉後寄崔侍御  
九卿天上落五馬道傍來列戟朱門曉褰帷碧嶂  
開登高望遠海召客得英才紫綬歡情洽黃花逸  
興催山從一作依圖上見谿卽一作向鏡中迴遙羨重  
陽作應過戲馬臺

江上荅崔宣城

太華三芙蓉明星玉女峯尋仙下西嶽陶令忽相  
逢問我將何事湍波歷幾重貂裘非季子鶴氅似  
王恭謬忝燕臺召而陪郭隗蹤水流知入海雲去  
一作出或從龍樹繞蘆洲月山鳴鵲鎮鐘還期如可  
訪台嶺陰長松

送友人尋越中山水

聞道稽山去偏宜謝客才千巖泉灑落萬壑樹縈  
迴東海橫秦望西陵繞越臺湖清霜一作雙鏡曉濤  
白雪山來八月枚乘筆三吳張翰杯此中多逸興

早晚向天台

送竇司馬貶宜春

天馬白銀鞍親承明主歡鬪雞金宮

一作裏射鴈

碧雲端堂上羅中

一作

貴歌鐘清夜闌何言謫南

國拂劍坐長歎趙璧為誰點隨珠在被彈聖朝多

雨露莫厭此行難

送梁公昌從信安北征

入幕推英選捐書事遠戎高談百戰術鬱作萬夫  
雄起舞蓮花劍行歌明月官將飛天地陣兵出塞

垣通祖席留丹景征麾拂彩虹旋應獻凱入麟閣

佇深功

金陵送張十一再遊東吳

張翰黃花句風流五百年誰人今繼作夫子世稱  
賢再動遊吳棹還浮入海船春光白門柳霞色赤  
城天去國難為別思歸各未旋空餘賈生淚相顧  
共悽然

送紀秀才遊越

海水不滿眼觀濤難稱心即知蓬萊石却是巨鼇

簪送爾遊華頂今予發鳥吟仙人居射的道士住  
山陰禹穴尋谿入雲門隔嶺深綠蘿秋月夜相憶  
在鳴琴

送二季之江東

初發強中作題詩與惠連多慙一日長不及二龍  
賢西塞當中路南風欲進船雲峯出遠海帆影挂  
清川禹穴藏書地匡山種杏田此行俱有適遲爾  
早歸旋

送儲邕之武昌

黃鶴高樓月長江萬里情春風三十度空憶武昌  
城送爾難爲別銜杯惜未傾湖連張樂地山逐泛  
舟行諾謂楚人重詩傳謝朓清滄浪吾有曲寄入  
棹歌聲

秋日登揚州西靈塔

寶塔凌蒼蒼登攀覽四荒頂高元氣合標出海雲  
長萬象分空界三天接畫梁水搖金刹影日動火  
珠光鳥拂瓊簾度霞連繡栱張目隨征路斷心逐  
去帆揚露浴

今本

作濯

梧楸白霜催橘柚黃玉毫如可

見於此照迷方

登瓦官閣

晨登瓦官閣極眺金陵城  
鍾山對百戶淮水入南  
榮漫漫雨花落嘈嘈  
天樂鳴兩廊振法鼓四角吟  
風箏杳出霄漢上仰攀日月行  
山空霸氣滅地古  
寒陰生寥廓雲海晚蒼茫  
宮觀平門餘闐闐字樓  
識鳳凰名雷作百川一作動神扶萬拱傾靈光  
何足貴長此鎮吳京

黃鵠高秋與張少府楚城韋公藏書高齋作

日下空庭暮城荒古跡餘  
地形連海盡天影落江  
虛舊賞人雖隔新知樂未疎  
彩雲思作賦丹壁間  
藏書查擁隨流葉萍開出水魚  
夕來秋興滿回首  
意何如

秋夜獨坐懷故山作

小隱慕安石遠遊學子

今本作屈

平天書訪江海雲卧

起咸京入侍瑤池宴出陪玉輦行  
誇胡新賦作諫  
獵短書成但奉紫霄顧非邀青史名  
莊周空說劍  
畢翟恥論兵拙薄遂疎絕歸閑事  
耦耕顧無蒼生

望空愛紫芝榮寥一作牢落暝霞色微茫舊壑情秋  
山綠蘿月今夕爲誰明

過四皓墓

我行至商洛幽獨訪神仙園綺復安在雲蘿尚宛  
然荒涼千古跡蕪沒四墳連伊昔鍊金鼎何年閉  
玉泉隴寒惟有月松古漸無煙木魅風號去山精  
雨嘯旋紫芝高詠罷青史舊名傳今日併如此哀  
哉信可憐

月夜金陵懷古

蒼蒼金陵月空懸帝王州天文列宿在霸一作鼎業  
大江流淥水絕馳道青松摧古丘臺傾鳩鵲觀宮  
沒鳳凰樓別殿悲清暑芳園罷樂遊一聞歌玉樹  
蕭瑟後庭秋一作千古不勝愁

盛唐第六十六

燕喜之文

五

大雅卷之六

文風風雅頌

燕喜之文

燕喜之文

燕喜之文

燕喜之文

燕喜之文

燕喜之文

燕喜之文

